



सानसेयारि

बड'सा

सानसेयारि "बड'सा" खीरालाइयाव
अमाज्यादि जिउजो लोब्बा थाबाय रायथाय, खन्थाय,
अल', अल'बाथा आरो हावबायादि थाचनि, पार्क
बाइदिनि सायाव लिउरनाय लिउरिबाँ दैथाय ठर/
सानसेयारि "बड'सा" खीरालाइयाव अवेब्रानावै
फोसावगोन।

बड'सायाव लिउरनायनि हुबा खालाम,
"बड'सा" खी नोथाँ, जोँ बयबो अंगो खालाम।

सानसेयारि बड'सा मावखुलि

माइबं नोगोर, जोहोलाव देमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Thursday ★ 28 December, 2023 Kokrajhar, B.T.C., Assam ★ Vol.- 33, Issue No. 272 ★ R.N.I.Regd.No.40994/91, Assam Govt. Regd.No.IPRD.40/2006/3, ★ Rs.8/-

बिश्वनाथआव 3.4 गोखों बांग्रि मावदों

गुवाहाटी, 27 डिसेम्बरः आसामनि बिश्वनाथआव दिने फुनि समाव बांग्रि मावनायखौ मोन्दाथिनो हायो। दिने बिश्वनाथआव फुनि समाव रिक्टर स्केलाव 3.4 गोखोंथिनि बांग्रि मावनायखौ हमदाथिनो हायो। फुनि 5.55 रिगायाव बांग्रि मावनाया शनितपुरनि तेजपुरनिफ्राय 42 किल'मिटर जान्थायाव सान्जा फासँ सोमजिजेन्दोमोन। माहारियारि बांग्रि बिज्ञान मिरुनि फोरमाथिनाय बादिब्बा हानि 20 किल'मिटर गोथोयाव (□ 5 बिलाइआव)

बिटिआरनि गाहाइ मावफुं सोद्रोमा प्रमद बर'नि दैदेन्नायाव जौगालु बिथांखिफोरनि सायाव फिन नायसं मेल खुदों

कक्राझार, 27 डिसेम्बरः बिटिआरनि गाहाइ मावफुं सोद्रोमा प्रमद बर'नि दैदेन्नायाव दिने बिटिसिनि गुबुन गुबुन बिफानफोरनि जौगालु बिथांखिफोर मावफुंनाय आरो मावनो लानाय थांखिफोरनि सायाव गुबुन गुबुन बिफाननि मावफुं सोद्रोमाफोरखौ लानानै मोनसे फिन नायसं मेल खुनाय जादों। कक्राझारनि बड'फा नोगोरआव थानाय बिटिसि सेक्रे टारियेटे मावखुलिनि सिइमनि सावरय न'ब्लांआव खुनाय बे फिन नायसं मेलआव



लेडइ गाहाइ मावफुं सोद्रोमा गबिन्द चन्द्र बसुमतारि, मावफुं सोद्रोमाफोर-रन्जित बसुमतारि, धनन्जय बसुमतारि, रकेश ब्रह्म, अरुप कुमार दे आरो दिगन्त बरुवामोनहाबो बाहागो लादोंमोन। बे मेलआव देहा आरो नख'र अन्साइ बिफान, पन्चायत आरो गामि जौगाखां, हाग्रा आरो आबहावा, हेन्डलुम एन्ड टेक्सटाइल, दे रानसारथाय बिफान, जिब-जुनाद फिसिग्रा आरो फाहामथाय बिफाननि गेजेरजों गोवांथार बिथांखिफोर (□ 5 बिलाइआव)

एजेवाइसिपिआ इनार लाइन पार्मित बाहायनाय आरो 'का' बन्द खालामनायनि दाबियाव हेंथा सोमावसारनो सांग्रांथि होदों

गुवाहाटी, 27 डिसेम्बरः आसामआव फिन सोमावसारनाय आरो हेंथा सोमावसारनो थांखि आजगवदों। मख'नो गोनांदि, जिल्ला थाखोनिफ्राय गुवाहाटी, बेनिफ्राय गोदान दिल्लीसिम सोमावसारनो थि खालामदों। 'का' (सिएए) खौ बन्द' खालामनाय आरो आसामआव इनार लाइन पार्मित बाहायनायनि दाबियाव सोमावसारनायनि हाबाफारिखौ फोसावबाय। बुधबारखालि खौरंगिरि मेल खुनाँ सोमावसारनायनि हाबाफारिखौ फोसावदों आसाम जातियताबादि लाइमोन फरायसा आफाद (एजेवाइसिपि) नि दैदेनगिरि आफादआ। गुवाहाटीनि गाहाइ मावखुलिनाय खुनाय खौरंगिरि मेलयाव जिल्ला सदरनिफ्राय गुवाहाटी, बेनिफ्राय गोदान दिल्लीनि जन्त मन्तराव सोमावसारनायनि बाश्राखौ फोरमायदों आफादगिरि पलास सांमाइया। सोमावसारनायनि थांखि लानाय बादिदै फेगों 29 डिसेम्बराव आसामनि दरफोमबो जिल्ला आरो जिल्ला आरो महकुमानि सदराव 3 घन्टा नाइँ सुबुँ सोमावसारनाय हाबाफारि आजगवगोन। 21 जानुवारीयाव गुवाहाटीयाव मिरुवारि सुबुँ गोमा खुगोन। आसामनि (□ 5 बिलाइआव)

खौरंगिरिफोरनि थाखाय दर 10 महकुमायाव आदर्श मावखुलि गायसन्नो फोसावदों

गुवाहाटी, 27 डिसेम्बरः बिटिसि सरकारआ खौरंगिरिफोरनि थाखाय दर 10 महकुमायाव आदर्श मावखुलि गायसन्नो। बे फोसावथायखौ बिटिआरनि गाहाइ मावफुं सोद्रोमा प्रमद बर'आ होदों। 2024 माइथायनि मार्च दाननिफ्रायनो जागायजेनगोन बे आदर्श मावखुलि लुनायनि खामानिया। मख'नो गोनांदि, मंगलबारखालि बाकसा जिल्लानि बरमायाव बरमा प्रेस क्लाबनि 17 थि नै बे सोसोरि जथुम्मायाव बाहागो लानानै बे बिबुंथिखौ होदों बिटिआरनि गाहाइ मावफुं सोद्रोमा प्रमद बर'आ। लुजानो गोनां बे आदर्श



मावखुलिनाय गोदान मुगानि गासैबो रोखोमनि खाबुफोर थागोन होन्ना बिथाड मख'दों। मेलयाव थांखि जानाय बुंथिगिरि महरे असमीया रावनि दैनिक असम खौरां बिलाइनि डिपुटि इडिटर दिलिप महन्तआ गामियारि खौरांगिरिफोरा भुगिबाय थानाय बायदि जेना-जेसिनि सायाव दुखु मोन्नाय

फोरमायो। मेलयाव सप्ताहायि लुइट ज्यति खौरां बिलाइनि सुजुगिरि अरुप कुमार शर्माआ जेना-जेसिजों मोगा-मोगि जानाय बाकसा ओन्सोलयाव जोबोद रेखाथि होग्रा महरे थाना बरमा ओन्सोलनि खौरंगिरिफोरा थि आरो सैथोजों खौरां फोसावनानै दिने बे थाखोयाव सौफेदों होन्ना मख'यो। शरनिया कचारि जौगाखां गौथुमनि बारग' आफादगिरि रमेश चन्द्र दासआ बेखेवना होनाय गेवलां मेलयाव बिटिआरनि मावफुं सोद्रोमा (□ 5 बिलाइआव)

साननैनि हाबाफारिजों दुलाराय भारत ब्रह्म समाजनि 132थि जथुम्माया जागायबाय

समाज बेरेखा आरो जेनाखौ बोस्रांनायाव ब्रह्म समाजआ मैखोम बिफाव लाबोदों: गुलाब चान्द काटारिया

गुवाहाटी, 27 डिसेम्बरः गुवाहाटीनि साउथ पइन्ट स्कुलआव साननैनि हाबाफारिजों खुनाय अल इन्डिया ब्रह्म समाजनि 132थि बोसोरारि जथुम्माया दिनेनिफ्राय जागायबाय। साननैनि हाबाफारिजों खुनाय बे ब्रह्म समाजनि 132थि बोसोरारि जथुम्माया दिने आसामनि राइज्यो बेंगिरि गुलाब चान्द काटारियाआ बेखेवनानै होयो। गावनि बेखेव बिबुंथियाव राइज्यो बेंगिरि काटारियाआ



बुडोदि, गोदानारि भारतनि जौगाखांनाय आरो समाज फोसावनायाव ब्रह्म समाजआ मैखोम बिफाव लाबोदों। ब्रह्म समाजनि साननैनि आरो आदर्शआ समाजजों जेब्लायबो सोमोन्दो थाबोदों। बिदिन्थि महरे राजा राममहन रयआ गावनि समाव सासे समाज दाफामगिरि एबा समाज फोसावगिरि महरे सिनारथि जाबोदों। 1828 माइथायनि 20 आगस्टखालि राजा राममहन रय (□ 5 बिलाइआव)

कक्राझारआव इ-रिक्सानि हान्थामेलाखौ होबथादों

कक्राझार, 27 डिसेम्बरः दासान्दि गोजां बोथोराव खुवा खुनायनि थाखाय लामानि जाब्रबथाय आरो बेनि जाउनाव जिउ गोमानायनि हास्रखौ होबथानो थाखाय दिने जिल्ला लामा रेखाथि आफादआ सावरय मेल खुनाँ मोनसे गोनांथार थांखि लायो। थांखि बादिदै दिने 27 डिसेम्बरनि मोनाबिलिनि 7 रिगानिफ्राय अखानायै फुनि 6 रिगामिम कक्राझार जिल्लायाव इ-रिक्सानि हान्थामेलाखौ होबथानाय जादों। बे बिथोनमाया उननि समाव फोसावथाय होजासिम सोलिबाय थागोन। कक्राझार जिल्ला हान्थामेला बिबानगिरि मावखुलिनिफ्राय दैथाय हरनाय गांसे रादाव बिबुंसारनि गेजेरजों बे बाश्राखौ फोरमायनाय जादों। □

गोजोननि सावरायनायाव आलफानि सिगांबोनाया जोनि थाखाय आरो आसामनि थाखाय जोजां खौरां। बे बाश्राखौ बुंदों बिटिसिनि गाहाइ मावफुं सोद्रोमा प्रमद बर'आ। मख'नो गोनांदि, कक्राझार सहरनि बड'फा नोगोरनि खोदोमगुरिनि प्रफेसार कलनीयाव रुंसारि बसन्त कुमार

खोदोमगुरिनि प्रफेसार कलनीयाव रुंसारि बसन्त कुमार बसुमतारि गोसोखांथियाव गोदानै लुनाय लामा बेखेवदों

दिनेनि समाव हिंसाजों समाज दाफुंनो नाया: प्रमद बर'

समायना मिथिगानि गेजेराव दिनेनिफ्राय जागायजेन्नाय दुलाराइ आसाम नाथ यगि फरायसा आफादनि जथुम्माखौ लानानै ओन्सोलनि राइजो-राजाफोरनि गेजेराव मोनसे फोबों बायदि थासारि सोमजिदों। भुतियापारनि राइजोयारि गेलेग्रा फोथाराव खुनाय जथुम्माखौ (□ 5 बिलाइआव)



बसुमतारि मुनि फरायसालिमानि फोरोंगिरिनि गोसोखांथियाव गोदानै लुनाय लामाखौ बेखेवनानै प्रमद बर'आ बे बाश्राखौ बुडो। मख'नो गोनांदि, 2008 माइथायाव फरायसालिमानि फोरोंगिरि बसन्त कुमार बसुमतारिखौ सिनाय मोनै दुथांफोरा (□ 5 बिलाइआव)

बालिपारायाव आलादा-आलादायै सोमजिनाय गिखंथाव लामानि जाब्रबथायाव सा 5 लाइमोननि जिउ गोमादों

बालिपारा, 27 डिसेम्बरः शनितपुरनि बालिपारायाव सोमजिनाय गुबुन गुबुन लामानि जाब्रबथायाव सा 5 लाइमोननि जिउ गोमानाय जाथाया बालिपारा ओन्सोल नाइँनो दुखु साग्लोबदों। बालिपारा मजलिया फरायसालिनि 100 बोसोरसालिया फोबों हाबाफारिनि लोब्बायै जुबिन गार्गनि मेथाइ रेजाबना दिन्धिफुनाय हाबाफारि खुदोंमोन। बेनि गेजेवनो ओन्सोलाव माखासे गिखंथाव लामानि जाब्रबथाय सोमजियो। थंनाय हगव बालिपारनि माखासे जायगायाव आलादा-आलादायै सोमजिनाय गिखंथाव लामानि जाब्रबथायाव सा 5 लाइमोननि जिउ गोमायो। सुलुङ मिथिहोनाय बादिब्बा, बालिपारनि माखासे जायगायाव बे लामानि जाब्रबथाया सोमजिदों। लामानि जाब्रबथायाव कासेम आलि, रज इस्लाम, बिपुल दास, देबजित बसुमतारि आरो सरफुं बसुमतारि मुनि लाइमोननि जिउ गोमायो। □

सानथामनि हाबाफारिजों दुलाराइ आसाम नाथ यगि फरायसा आफादनि मिरुनि 2थि 3 बोसोरसालिया जथुम्माया दिनेनिफ्राय जागायजेनबाय

कक्राझार, 27 डिसेम्बरः कक्राझार सहरनिफ्राय 7 किल'मिटर गोजानाव थानाय भुतियापाराआव सानथामनि मेहेर गोनां हाबाफारिजों दुलाराइ आसाम नाथ यगि फरायसा आफादनि मिरुनि 2थि 3 बोसोरसालिया जथुम्माया दिनेनिफ्राय जागायजेनो। मख'नो गोनांदि भुतियापारनि



तामुलपुर जिल्ला मावसुमा गौथुमनि 8 थि नै बोसोरारि जथुम गोसो मेलेमारि महरे जिंसासिनानै दड मावसुमा समाजआ: बासब चन्द्र कलिता

तामुलपुर जिल्ला मावसुमा गौथुमनि 8 थि नै बोसोरारि जथुम गोसो मेलेमारि महरे जिंसासिनानै दड मावसुमा समाजआ: बासब चन्द्र कलिता

बासब चन्द्र कलिताया होदों। तामुलपुर गोजौसिन गेजेरारि फरायसालिया खुनाय तामुलपुर जिल्ला मावसुमा गौथुमनि 8 थि 2 बोसोरारि जथुम्मानि गेवलां मेलयाव थांखिजानाय बुंथिगिरि महरे बाहागो लानानै कलिताया बे बिबुंथिखौ होदों। (□ 5 बिलाइआव)



चापराव बेरेखा दोलो जुथाय आफादनि मेदेर राइजोयारि मेल

हारियारि बिजेपि दोलोखौ बोखारनांगौब्ला, धुबुरीनिफ्राय गुबुन मोनसे हारियारि दोलो एआइइउडिएफनि बदरुदिन आजमलखौ बोखारनांगोन: भुपेन बरा

चापर, 27 डिसेम्बरः 'आसामआव हारियारिनि राजखांथिजों मोनफ्रोमबो हारि-हारिआखौ बोखाव-बोसि खालामना गावसाहोनाय खांथिजों असमीयायनि गोदो-गोदायनि आसारखांथिखौ फोजोबस्त्रानो लानाय बिजेपि दोलो आरो हिमन्त बिश्व शर्मनि हान्जाखौ आसामनिफ्राय बोखारनायनि समायखिरा लानानै दिने जोडो साफ्रोमबो बोर हास्थयानानै सुबुँ



दैदेनगिरि (जननेता) शरत चन्द्र सिंहनि जोनोम जायगा चापरनिफ्राय बादायलायनायखौ जागायजेनो लादों। बे बोखारनायनि जागायनाया धुबुरीनिफ्रायनो जानांगो। हिमन्त बिश्व शर्माआ आसामआव थानाय दर 14 लकसभा मासिनि 11 खावसे मासि देरहानायनि बाश्राखौ बुंबाय थायो, बे खावसे मासिया मबे नोंथांमोनहा मिबथिगो नामा? (□ 5 बिलाइआव)

626 नं तेजियालपारा गुदि फरायसालिनि गोदानै लुनाय खिखरसालि बेखेवदों

कलाइगाव, 27 डिसेम्बरः उदालगुरि जिल्लानि खैराबारि सोलेंथाइ खोन्दीनि सिडव थानाय 626 नं तेजियालपारा गुदि फरायसालिनि गोदानै लुना खिखरसालिखौ दिने बेखेवनाय जायो। फरायसालिनि गाहाइ फोरोंगिरि ध्रुव ज्यति बर'आ दैदेन्नाय बेखेव हाबाफारिखौ बेखेवनानै होयो आजिरा मोन्नाय गाहाइ फोरोंगिरि रमनि कान्त डेकाआ। मख'नो गोनांदि, प्रमद बर' दैदेन्नाय जुथाय हान्जानि सरकारा सोलेंथाइ फसंथानफोरनि जौगाथायनि थाखाय सिगां बोनायखौ आजिरा मोन्नाय गाहाइ फोरोंगिरिआ साबायख'र जासिहरो। □

सुजुगिरिनि खोलोम



मानसिनो सांग्रांथिनि गोनांथार

मानसि सुबुनावल' सांग्रांथिया गैया, जिब जुनार, दाउसिन दावला फोरनावबो सांग्रांथि दड'. नाथय सांग्रांथिनि रोखोमा गोरोबा जानो हागौ। जिउ जुनार, दावसिन दावलाफ्रा जौगाथायनि सांग्रांथिखौ साननो रोडा। बिसोरनि गेजेराव जिउ खानाथनि सांग्रांथि, जिउ रैखाथिनि सांग्रांथि बे मोननै रोखोमनि अनगाथै आलादा रोखोमनि सांग्रांथिखौ नुनो मोना। मानसि सुबुनावरनि सांग्रांथिया नाथय जोबनो गैया। नाथय, सिगां मुगानि समनि सुबुनावरनि सांग्रांथि आरो आथिखालनि सुबुनावरनि सांग्रांथिनि गेजेराव फाराग दं।

मुलुग संसाराव जौगाथायखौ लुबैथै सुबु गैयाखौनो बुंजायो। जानो हागौ, जारिमिन मुगानि सिगां जिउ खांग्रा बै समनि सुबुनावा जौगाथायखौ बारा मोजां मोनामोन जानांगौ। बिसोरनि गेजेराव सांग्रांथियाबो जिउ जुनारफोरनिखुइ बांद्राय गैयामोन होननाबो बुंनो हायो। जिउ जुनार, दाउसिन दावला जेरे जिउ खानाय आरो जिउ रैखाथिनि सांग्रांथिखौल' लाना थायो बिबिदो बै समनि मानसि सुबुनावरनि सांग्रांथिनि थाखाय सांग्रांथिखौ साननो रोडाखैमोन। मुगाया मोनसेयाल' थाबायथाया, सोलायसोल जाथारगोन। मुगाजो लोगोसे मानसि सुबुनि आखल आखु, आदब खायादाफ्राबो सोलायनो लायो। बे मिथिगानि नेम।

बियो थारदि, जेसेबां जौगाथायखौ मोनगोन बेसेबां आरो मोननो लुबैनायबो बांलांगोन। गियान मोननाय लोगो लोगो सुबुनावा जौगाथायखौ मोननो हास्थायो। जौगाथाय मोननो हाब्लानो आदब खायादायाबो सोलायबोनो लायो। मोजां आदबजो गात्रि आदबखौबो सुबुनावा लाफानो सोलोडो। इयुनाव सुबुनावा मोजां आदब खायादाखौ नागरना गात्रि आदब खायादाखौसो गोबाना लायो।

जौगाथायाबो नाथय हासिंडे फैया। जौनो जौगाथायखौ लाबानो रोनांगोन। सुबु समाजनि गोबांसिनानो जौगाथनि सोमोन्दै मिन्थिनो मोना। टाउन सहरनिफ्राय गोजान गोजान गामि सिंफ्राव राइजो जानाय सुबुनावा मा मा रोखोमनि जौगानायनि सुबिदाफोर दड बेफोरखौ एसेबो मिन्थिनो मोना। जिउनि समान लोंग्रा दै, देहा फाहामनायनि सुबिदा, खिया जायगा (लेट्रिन) बानायना लानायनि सुबिदा, आबादार सुबिदा, बाइदि बाइदि बिथिनि सुजुग सुबिदानि सोमोन्दै मिन्थिनो रोडा। मानोना, बिसोरनि गेजेराव दासिमबो गोनां सांग्रांथि गैया।

सिगानि बाध्राखौ दोनथनानै आथिखालनि सुबु समाजा सांग्रांथिखौ लानो रोडाबा बे बादायलायनाय मुगाअथाव जिउ खाना थाना थानांगौया गोलै नडा। बि.टि.सि. हालामखौ दानायनि ओंथियाबो गुबुनफोरजो गदबना दोनजादो। दानिया साफ्रोमबो वर' सुबुडानो जेरैथिबो सांग्रां जाना दावगालानो हानांसिगोन। गुबुना फैनानै सांग्रांथिखौ होफैनय नडा। गावनो गाव सांग्रां जाना गुबुनजो बादायलायनानैबाबो दानि कम्पिउटर मुगायाव थाना थाना नाजानांगोन। नडाबा, जौ मुगानि सुनामिजो बोहैखारलां जागोन, बियो थार।

दिनैनि फाञ्जामुधि

राशि बाइदियै मुनि गिबि हांखो

मेघ : अ ल **बुध** : ऊ ब (उ ए इ) **मिथुन** : क छ (ड घ)
कर्कट : ड ह **सिंह** : म ट **कन्या** : प ट (ण ष)
तुला : त र **वृश्चिक** : ब न **धनु** : ध भ (ङ फ)
मकर : ख ज **कुम्भ** : ग श (स) **मीन** : द च (ख ज झ)

- मेघ**: मावा मोनसे मोजां खौरां खोनानो मोनगोन। गोसोखौ गोजोन मोनगोन। मोजां सान।
- बुध**: माखौबा लानानै सोरजोबा दावराव-दावसि जानो हागौ। गोसो हमथानानै थानांगोन।
- मिथुन**: मोजां रोंगथि जानो हानायनि मान बाउजानो मोनो हागोन। गोजोन्नाय मोनगोन। मोजां सान।
- कर्कट**: जेरावबो गोहो-बोलो मोनो हागोन। नख र'आ जौगानाय फैगोन। मोजां सम।
- सिंह**: बबेबा खामानियाव गोहो-बोलो बाहायनानो हागौ। देहाखौ सांग्रां लाखिनांगोन।
- कन्या**: जेखि मावा फालांगियाव रांखावरि मुलाम्फा मोनो हागोन। बे राशिनि थाखाय गाहाम सान।
- तुला**: जेखियानो जाना न'नि गोथार खामानि मावनानै लानो हागोन। फारफ्रोमथिबो मोजां।
- वृश्चिक**: गोसो बायदि रंजा-बाजा खालामनो हागोन। गोजोनै सम बारहोनो हागोन। मोजां सम।
- धनु**: बेफार फालांगि मावनायाव रांखावरि मुलाम्फा मोनो हागोन। गोजोन मोनगोन। मोजां सान।
- मकर**: मानिबा खामानिनि थाखाय गोसोखौ शान्ति गैथै मोनो हागौ। गोसो हमथानानै सोलिनांगोन।
- कुम्भ**: मावाफोर जेना-जैसिआव गोलेबायनो हागौ। गोसोखौ गोजोन गैथै मोनगोन।
- मीन**: नख र' संसार जानायाव दावराव-दावसि सोमजिनो हागौ। गोसो हमथानानै थानांगोन।

इउक्रेन दावहानि गेजेराव भारतआ रासियाजो निउकिलयार गोहो गोरोबथायाव सागान होदो

गोदान दिल्ली, 27 डिसेम्बर:

भारतनि बायजो हायुआरि मन्थि एस जयशंकरआ रासिया-इउक्रेन दावहानि गेजेराव 5 साननि दावबायनायाव मस्कआव दडं। बे समाव भारत आरो रासियानि गेजेराव मोनसे गोनांथार निउकिलयार गोहो गोरोबथायाव सागान होनाय जादो। बेयो चीननिफ्राय आमेरिकासिम मोनसे सोमावसारनाय सोमजिहोदो। बायजो हायुआरि मन्थि एस जयशंकरआ बुंदोमोनदि, भारत आरो रासियाआ मंगलबाराव तमिलनाडुआव कुडनकुलम परमाणु मोब्लिब गोहो प्लान्टनि इयुननि मोब्लिब दिहुनग्रा इउनिटफोरनि लुनायजो सोमोन्दो गोनां माखासे गोनांथार गोरोबथायाव सागान होदो। जयशंकरआ रासियानि दैदेनगिरिफोरजो सावरायनो



थाखाय सान 5 नि दावबायनायाव दं। बिथाड रासियानि लेडइ गहाइ मन्थि डेनिस मन्टुरभजो बाइलेटरेल रांखाथियारि हेफाजाबनि सायाव मोनसे गुवार सावरायनायनि उनाव फोसावो। सावरायनायनि समाव निउकिलयार गोहो आरो फ I M A र्मि स ड टि के ल , फार्मासिउटिकल आरो फाहामारि आयजोफोरनि सायाव गोरोबथायाव सागान होनाय

जादोमोन। रासियानि राइज्योआरि खौरां बिजोनि बायदिल्का, कुडनकुलम परमाणु मोब्लिब गोहो प्लान्ट खो रासियानि आरोदारायि हेफाजाबजो तमिलनाडुआव लुनाय जादो। बेनि लुनाया मार्च 2002 मायथाइयाव जागयजेदो। कुडनकुलम एटम मोब्लिब गोहो प्लान्टनि गिबि मोब्लिब गोहो इउनिट आ फेब्रुवारी 2016 मायथाइनिफ्राय 1,000 मेगावाटनि डिजाइन गोहोजो अरायसम खामानि मावगसिनो दं। बे प्लान्टआ

2027 मायथाइयाव आबु जागोन होना मिजि थिनय जादो। सावरायनायनि समाव, जयशंकरआ फालांगि, रांखाथि, फोनांजाब गोहो, नोगोरारि बिरखं दिड आरो परमाणु बिथिडव दावगानायनि सायाव नोजोर होदो। भारतारि सुबु समाजनि सिगाडव गावनि बिबुथियाव बिथाड रासियाखौ रैखाथि, परमाणु गोहो आरो अखां बायदि माखासे बिथिडव जर 'खा बाहागोआरि महरै बानायदोमोन। रैखाथि, अखां आरो परमाणु (गोहो)

बिथिडव, बै हादरफोरजो हेफाजाब होनाय जायो जायफोरजो गोजौ थाखोनि फोथायनाय दं। जयशंकरआ बेखौबो बुंदोमोनदि, मोनैबो दानयाव गनायथि जादोदि, बिथांमोननि सावरायग्रा हान्जाफोरा भारत आरो इउरेशियान रांखाथियारि ओसोलनि गेजेराव मोनसे उदा फालांगि गोरोबथानि सायाव गावनि सावरायनाया जागायनो थाखाय जानुवारिनि जोबनायसिम जथुमगोन। रासिया आरो भारतनि गेजेराव रां होनायनि जेनानि सायाव मोनसे सोंथिनि फिन्नायाव बायजो हादरारि मन्थिया बुंदोदि, मोनसे गोमोथाव थासारियाव जों बेबादि लामाफोरखौ नायगसिनो दड', जायनि गेजेरजो बेंकफोरा गावजो गाव लेनदेन खालामनो हायो। जयशंकरआ बुधबाराव गावनि समकक्ष सर्गेइ लावरभखौ लोगो हमगोन आरो मोनै हायुआरि,

आरो गेजेर हायुआरि आयदाफोरनि सायाव सावरायगोन। बिथाड भारत आरो रासियानि गेजेराव मोनसे गोखो आरो दिदोम बाहागोदारि दानयाव भारतयारि सुबु समाजनि बिहोमाखौबो बाख्यादोमोन। जयशंकरआ मन्टुरभजो लोगोसे रासियानि दारिमिन आरो फालांगि दि दिन्थ फुं नयावबो दावबायहेदोमोन। रासियानि इउके नखौ गाग्लोबनायनि उनावबो भारत आरो रासियानि गेजेराव सोमोन्दो आ गोखो जानानै दं। भारतजो रासियानि गोथां थाव लाबोनाया मख'जाथाव बांदो, बबेखानि गोबां सोनाबारि हादरफोराव गोजेन्नाय गैया। भारता आ दसिम इउकेनाव रासियानि गाग्लोबनायखौ सोंखारिनाय जायाखै आरो बुंदोमोनदि, बे जेनाखौ राजखानथियारि आरो सावरायनायनि गेजेरजो सुसानांगौ।

इसर'आ 1 जानुवारिआव गिबि पलारिमेट्रि मिसन लन्च खालामगोन



गोदान दिल्ली, 27 डिसेम्बर: भारतआ 1 जानुवारि 2024 मायथाइयाव मोनसे जाफुंसारनायजो जागायनो थियारि जादो। भारतयारि अखांमा बिजिरसं आफाद (इसर)आ फोसावदोदि, एक्सपेसट मिशनआ फुनि 9:10 रिंगायव पलार सेटेलाइट लन्च भेहिकल (पिएसएलभि) खौ बाहायनानै हमारगोन, जाय भारतनि अखांमा नागरनाय दावबायनायाव मोनसे मख'जाथाव माइल खुन्थिया जागोन। बे मिसना भारतनि गिबिसिन बावसोमग्रा पलारिमेट्रि मिशनल नडा, नाथय 2021 मायथाइयाव नासानि इमेजिं एक्स-रे पलारिमेट्रि एक्सप्लर (आइएक्सप्लर) नि उनाव बुहुमनि नैथि मिशनबो जागोन। बे ग्रहसाया एक्स-रेनि खारि बुथुमनानै ब्लेक ह'ल आरो न्युट्रन हाथरखिफोरखौ फरायसंगोन। एक्सपेसटनि थांखिया बुहुमनि मोन 50 गोजोसिन मिथिजानाय फुंखाफोरखौ फरायसनाय जेराव पल्सर, ब्लेक ह'ल एक्स-रे बाइनेरि, एक्टिभ गेलेक्टिक निउकिल, न्युट्रन हाथरखि आरो थार्मल नडै सुपरन'भा थालानायफोर दं। ग्रहसाखौ बाडयसिनाव बा बोसोरनि मिशन जिउजो 500-700 किल 'मिटरनि मोनसे दलुवर गहाय बुहुमनि कक्षलामायाव दोन्याय जागोन। ग्रहसाखौ रमन रिर्सार्क इन्स्टिटुट (आरआरआइ) आ इ.आर. राव सेटेलाइट सेन्टर (इ.आर.एस.सि.) नि हेफाजाबाव जौगाहोदो। एक्सपेसट मिसना बुहुमनि सोमोन्दै जौनि बुजिनायखौ फेहेरगोन होना मिजि थिनय जादो।

भारतीय टीमआ डेभिच कापनिफ्राय जानगारआव थानो हागौ

गोदान दिल्ली, 27 डिसेम्बर:

भारतीय टेनिस एस'सिएसन (एआइए) आ फेगौ बोसोरनि फेब्रुवारि दानआव इस्लामाबादआव जानो गोनां डेभिच काप वर्ल्ड ग्रुप 1 प्लेऑफ मेचनि थाखाय नेसेनेल टीमनि पाकिस्तानसिम दावबायनोखौ लानानै गेलेमु मावख'निफ्राय सुबुरुन बिदो। इन्टरनेसेनेल टेनिस फेडरेशनआ बे दुर्नामेन्टखौ निउट्रेल जायगायाव खुंनंगौनि भारतनि दाखौ नैवसिगारदो। जायनि उनाव एआइएआ बेयव बाहागो लाहौरखौ रोखायै बुडखै। एआइएनि गहाइ नेहाथारि अनिल धुपरआ गावसोरनिफ्राय गेलेमु मावख'निमि निमाहा बिनानै पाकिस्तानसिम दावबायनायनि थांखिनि सायाव सोंथि खालामनायखौ फोरमायदो। लोगोसे बे फिन्नायनि थाखाय गावसोरनिफ्राय मावख'निमि नेनानै थानायखौ फोरमायो। डेभिच कापनि मेचआ फेगौ बोसोरनि 3 आरो 4 फेब्रुवारिआव जागोन। धुपरआ बेनि सिगांबो भारतनि टीमखौ पाकिस्तानसिम दैथयहरनायनि सिगां गेलेमु मावख'जो सोमोन्दो लाखिनायै सावरायगोनखौ फोरमायखादोमोन। मख'नो गोनांदि, भारत आरो पाकिस्ताननि गेजेराव बेनि सिगां डेभिच कापनि मेचआ 2019 आव जादोमोन। नाथय बै समाव एआइएनि अजद दैखानायाव बे दुर्नामेन्टखौ पाकिस्ताननि सोलायै काजाकिस्तानआव खुंनुदोमोन। बेनि सिगां भारतीय डेभिच काप टीमआ जोबथा खेव 1964 आव पाकिस्तानसिम दावबायदोमोन।



कंग्रेसनि एमपि गौरब गगैआ गडी मिडियाखौ सोंखारिदो

गुवाहाटी, 27 डिसेम्बर:

आसामनि एमपि आरो लकसभायाव कंग्रेस दोलोनि लेडइ दैदेनगिरि गौरब गगैआ गडी मिडियाखौ सोंखारिदो। गडी मिडियाखौ सोंखारिनायै आसाम कंग्रेसनि एमपि गौरब गगैआ बुंदोदि, गडी मिडिया 65 जौखोन्दो भारतयारि नोगोरारिफोरनि थाखाय बाध्रा बुडे। गडी मिडियाया मोनसे गात्रि सोदोब जायखौ रोंगथि गोनां खौरांगिरि रबिष कुमारआ सनसेनोखेज आरो फोथायजथाव भारतयारि प्रिन्ट आरो डिभि खौरां बिजोनि थाखाय बानायदोमोन आरो मुदांखा खालामदोमोन, जाय आथिखालाव खुंथायाव थानाय एनडिफ सरकारखौ (2014 मायथाइनिफ्राय) मदत होयो। बे सोदोबा भारतनि गहाइ मन्थि नरेन्द्र मदिनि मुखव मोनसे सोंखारिनाय आरो टेलिभिजन आरो गुबुन मिडियाखौ मखनायनि मोनसे सरसनराहा जाबाय, जायखौ भारतनि खुंथायाव थानाय दोलो भारतीय जनता पार्टी (बिजेपि) नि खुगा



लाइसि महरै मानिनाय जायो। असम कंग्रेस संसद गौरब गगैआ बुंदोदि, इन्डिया गोरोबथायानो मोनसेल' जायगा जेराव बे 65 जौखोन्दो नोगोरारिफोरनि रवखौ खोनानो हायो। कंग्रेस दैदेनगिरि राहुल गान्धीआ बुंदोमोनदि, सरकार आगिन्पथ थिसन्नाय बिर्थाखि लाबोनायै माखासे लाइमोनफोरनि सिमांफोरखौ फोजोवख्सांदोमोन, जायखौ अरायथा नडै थिसन्नाइ होनो थाखाय लाबोनाय जादोमोन। 'सत्याग्रहि हा' चम्पारणनिफ्राय दिल्ली सौहेनो थाखाय 1,100 किलमिटरसो थाबायनाय लाइमोनफोरनि जुजिनायखौ खौरां बिजोआ दिन्थियाखै। जुन 2022 मायथाइयाव फोसावजानाय आगिन्पथ

बिथांखिनि मुखव रैनिया हान्जा आरो भारतयारि अखांसांथिनि अरायथा थिसन्नाय थांखिफोरखौ बन्द'खालामनानै माखासे लाइमोनफोरनि सिमांफोरखौ फोजोवख्सांदोमोन, जायखौ अरायथा नडै थिसन्नाइ होनो थाखाय लाबोनाय जादोमोन। 'सत्याग्रहि हा' चम्पारणनिफ्राय दिल्ली सौहेनो थाखाय 1,100 किलमिटरसो थाबायनाय लाइमोनफोरनि जुजिनायखौ खौरां बिजोआ दिन्थियाखै। जुन 2022 मायथाइयाव फोसावजानाय आगिन्पथ

बिथांखिया 17 निफ्राय 21 बोसोर बैसोनि लाइमोनफोरखौ 4 बोसोरनि थाखायल' थिसन्नायनि राहा खालामो, जेराव बिसोरनि गेजेराव 25 जौखोन्दोखौ आरोबाव 15 बोसोरसिम लाखिनायनि राहा दं।

इअआइ- फोसावथाइ नं. 01/2023
गोसथि फोसावनाय नं. 01
दिएइकेनि थिसन्नायनि थाखाय एक्सप्रेसन अफ इन्डोरेस्ट (इअआइ) नि फोसावथाइ- हांखायनि हेथायै इअआइ फोसावथायनि थाखाय गोरुथि फोसावनाय।
इअआइ इकुमेन्ट बाइड नं. एनएफआर/सिन्स्टेव/एनआइए/टिडिफे/2023 इअआइ फोसावथाय नं. 01/2023 नि सिडव फोसावनाय अक्ट- 14/12/2023, जाय 26/12/2023 नि 15:00 रिंगायव जागायनो गोनांमोन आरो दा 29/12/2023 नि 15:00 रिंगायव बाहोबाय।
फि नि एए एम.पि अ एम, मालिफाय
सा-साञ्जा सिमना रेलवे
मिन्सिल्लयारखौ आदकफोरनि सिन्थियाइ

No.NDB-03/15th FC/2020-21/2197 Date:- 26/12/2023

INVITATION FOR BID (IFB)

The BDO, Nagrijuli Dev. Block, Nagrijuli invites bids from eligible contractors registered under Assam PWD roads or contractors registered under Class-I (A,B,C) and Class-II Category of Assam PWD (Roads and Building), BTC as for the following works under 15th Finance Commission (Tied Grant) for the year 2021-22 of BTC during 2023-24.

Sl. No.	Name of Scheme	Est. Amount	BID Security	Cost of BID Documents (D/D)	Time of Completion of work
1	Construction of Community Toilet at Anlaiguri Bathou Thansali	Rs. 14,28,912.00	Rs. 14,290.00 for SC/ST Rs. 28580.00 for General	Rs. 429.00 (0.03%)	6 (Six) Months

Details IFB may be seen in all working days in the Office of the undersigned. BIDs will be issued to the contractors or their authorized agents up to 2.30 PM from 26/12/2023 to 16/01/2024 in the office of the undersigned on payment in the form of demand draft duly pledged to the Block Dev. Officer, Nagrijuli Dev. Block. The Bidder has to submit 2% in case of general and 1% in case of ST/SC as BID security in the form of Fixed Deposit/Call Deposit/Bank Guarantee under any Nationalized Bank duly pledged to the Block Development Officer Nagrijuli Dev. Block, Nagrijuli at the time of submission of BID.

N.B.:

- Cost of BID Documents (D/D) Draft prepared in favour of The Principal Secretary, BTC, Kokrajhar.
- Date of receiving application/issuing of BID documents- 26/12/2023 to 16/01/2024 (Both Technical and Financial)
- Date of Receiving BIDs 26/12/2023 to 16/01/2024 (up to 2.00 PM)
- Date of Opening Technical BIDs 16/01/2024 (at 2.30 PM)
- In case of office remains closed due to various reasons on scheduled dates as mentioned in the IFB the same will be received/issued/open on the next working days.
- Contractors/Bidders must submit solvency certificate from Nationalized Bank, Affidavit for KEY person, Affidavit for Tools and Plants, Audit Report Last 5(Five) years and latest copy of registration Pan/VAT etc.
- The BDO, Nagrijuli Dev. Block reserves the right of issuing of Bidding documents or outright rejection of the same without assigning any reason thereof.
- The intending bidders or their authorized representative may remain present at the time of opening of BID.
- Other details can be in the bidding documents.
- This IFB will form a part of the contract agreement.
- The successful bidder shall deliver performance security of 1% for ST/SC and 2% for General. The Contract Price in the form of fixed deposit/Call Deposit/Bank Guarantee under any Nationalized Bank duly pledged to the Block Development Officer, Nagrijuli Dev. Block, Nagrijuli
- Payment will be made subject to availability of fund.

Sd/-
Block Dev. Officer,
Nagrijuli Dev. Block, Nagrijuli

IPR(BTC)-2023-24/1015

आरब लैथोआव खिथेर लानो थाखाय भारतनि नाव सान्थिफोरा थियारि जादों

गोदान दिल्ली, 27 डिसेम्बर: भारतयारि नेभिआ फालांगियारि जाहाज गार्लोबग्राफोरनि खामानिखौ फोजेबनो थाखाय आरब लैथोआव ओंखारबाय। भारतनि बाहुबली दै सान्थि हान्जाखौ नुनाने आरब लैथोआव दावराव-दावसि जादों। भारतयारि दै सान्थि हान्जाया मंगलबारखालि बुंदोदि, बियो ओन्सोलाव बावैसो जानाय जाथायफोरनि उनाव आरब लैथोआव मोनसे मिरु लैथोआरि रैखाथि अपारिसन जागायदों, जेराव फालांगियारि जाहाज एम.भि. सेम प्लुट'आव गार्लोबनायबो जादों। रैखाथि मन्थि राजनाथ सिंहआ मुम्बाईनि मोनसे हाबाफारियाव गार्लोबग्रा दायनिगिरिफोरनि बेरेखायै गेखों राहा लानो समायखिरा लानायनि माखासे घन्टानि उनाव बे फोसावनाया फैदों। भारतयारि दै सान्थि हान्जानि फोसावदिनाया जागायनाय लोगो लोगोनो



लैथोआरि उतखारिफोर आरो उतखारिफोरनि गेजेराव दावराव-दावसि जागासिनो दं। लैथोआरि रैखाथिखौ रोखा खालामनो थाखाय भारतयारि नेभिनि दावहार जाहाज आरो गार्लोबग्रा हेलिकप्टरफोरा आरब लैथोआव पेट्रुलिन होनो जागायबाय। बेयो सुथुरफोरनि गेजेराव गिनया सोमजिहोदों। नेभिआ गार्लोबग्राफोर आरो उतखारिफोरखौ सायख'नानै बुथारनो आबु बिथांखि लादों।

ओन्सोलाव भारतयारि नेभिनि दावहार जाहाजफोरनि थाथाय आरो अखां नायदिनायखौ बांहोनाय जादों। सा 21 भारतयारि मावथि सोद्रोमाफोरखौ लानानै फालांगियारि जाहाज 'एमभि केम प्लुट'आ सनिबारखालि परबंदरनिफ्राय 217 माइलसो गोजानाव डून गार्लोबनायाव सौग्रावदोंमोन, जायनि उनाव भारतयारि नेभि आरो भारतयारि बोडिरमा रैखाथि हान्जाया

जाहाजखौ हेफजाव होनो थाखाय गोबां जाहाजफोरखौ थिसन्दोंमोन। भारतयारि मावख'आरिफोर आरो आमेरिकानि रौनियारिफोरनि बायदिब्ला, फिफ्लिा दिन्थिनानै मोनसे फालांगियारि क्रुज जाहाज एमभि साइ बाबायाबो सनिबारखालि खोला रेड चिआव डूनजों सौग्रावदोंमोन, नाथाय बे जाथायाव रावबो जोखोम जायाखैमोन। जाहाजआव हान्जानि सोद्रोमाफोरनि गेजेराव सा 25 भारतयारिफोरा दंमोन।

फ्रान्सनि कम्पनी ट'टेल एनार्जिआ आडानी ग्रीन एनार्जीआव गोबां रां थिसन्थाय होदों

पेरिश, 27 डिसेम्बर: फ्रान्सनि गिदिर कम्पनी ट'टेल एनार्जिआ आडानी ग्रीन एनार्जी लिमिटेड (एजिइएल) जों मोनसे गोदान खालामफिनजानाय गोहो जुथाय फालांगियाव 300 मिलियन डलार रां थिसन्दों। ए.जि.इ.एल.आ बुधबाराव मोनसे बिबुंथियाव बुंदोंमोनदि, बियो ट'टेल एनार्जीजों लोगोसे 1,050 मेगावाटनि जुथाइ फालांगि (जेवी) आबु खालामबाय। जुथाइ फालांगिनि सिडव, ट'टेल एनार्जिआ मावथांखिफोराव 50 जौखोन्दो बाहागो मोन्नो थाखाय एजिइएलनि लेखय बाहागोआव 300 मिलियन डलार रां थिसन्दों। बेनि जाहोनाव, आडानी ग्रीन एनार्जीनि बाहागोफोरा दिनैसिमबो गोखैथिगोनां। स्टकआव 23 रां बांनानै 1,623.20 रांआव फालांगि खालामगासिनो दं। बेजों लोगोसे थानाय 1 दानाव



बे स्टकआ रां थिसनिगिरिफोरनो 54.18 जौखोन्दो रिटर्न होदों। बे जुथाइ फालांगियाव 1,050 मेगावाटनि मोनसे पर्टफ'लिय दं, जेराव सिगांनिफ्रायनो सोलिबाय थानाय (300 मेगावाट), लुबाय थानाय (500 मेगावाट) आरो जौगानाय सम्फथिफोर (250 मेगावाट) आरो भारतआव सानखौरां आरो बार मोब्लिब गोहो मावथांखिफोरनि गलायमोन्दे दं। बे लेनदेनजों, ट'टेल एनार्जीआ एजिइएलजों गावनि सोलोआरि गोरोबथाखौ गोखों खालामदों। बेयो एजिइएलखौ 2030 मायथाइसिमाव 45

गीगावाट गोहोनि थांखिखौ मोनफुंनयाव मदद होगोन। आडानी एनार्जी सलुशन्सनि मोनसे इडिनट आडानी ट्रेन्समिसन स्टेप-IV (ए.टि.एस.एफ.एल.) आ भारत आरो गुबुन हादराव स्मार्ट मिटारिंग मावथांखिफोरखौ मावफुंनो थाखाय इडएआव थानाय एसेसपट हल्डिंगस (इ.एच.एल.) जों मोनसे जुथाय फालांगि दागोन। कम्पनीया स्टक एक्सचेन्जो हरनायाव बे फोरमायथिखौ होदोंमोन। ए.टि.एस.एफ.एल. आरो इ.एच.एल.आ थांखि लानाय जुथाय फालांगियाव

फारियै 49 जौखोन्दो आरो 51 जौखोन्दो बाहागो लागोन, जेराव कम्पनीनि दिथागिरिफोरनि बार्डआव समान बाहागो लागोन। फाइलिआव बुंनयाव जादोंदि, अडानी एनार्जी सलुशन्सआ गावनि आबु बिगोमानि हेफजाबारि एटिफएएसएलनि गेजेरजों भारत आरो बुहुमनाडै स्मार्ट मिटारि मावथांखिफोरखौ मावफुंनो थाखाय एचएलजों 49:51 नि रुजुथायाव मोनसे जुथाय फालांगि दानो थाखाय 26 डिसेम्बर, 2023 खालि मोनसे थि गोरोबथा खालामदों।

कर्नाटकआव फेस मार्स्क गान्नायखौ गोनांथार खालामदों



गोदान दिल्ली, 27 डिसेम्बर: कर्नाटकआव करना जिउसानि सायाव के बिनेट दालाय आफदजों नाजावजानो थिरांथा लानाय राहाफोरनि फारिफोरयाव मार्स्क गान्नाय, लैखोनगोनां गथ'फोरखौ फरायसालियाव दैथायहयनाय, समाजारि जान्थाय, सि-साननि न'आव आइस'लेसन आरो सन्देरनाय बेरामिफोरखौ हमारनाय बायदि कभिड-19 गाइदलाइनफोरखौ मख'नाय

दड। राइज्यो सरकारा बेसो जानाय आरो गोबां बेरामजों भुगिनांनय सुबुंफोरनो 'सांघ्राथियारि टिका' होनो आरो बे थांखिनि थाखाय मिरुनिफ्राय कर्भेक्स टिकानि 30,000 दज बायनो थिरांथा लादों। बे बिथिडव सरकारा थाबैनो गुवारै दिथा होगोन, मानोना गोदान बोसोराबो खाथियाव फैगासिनो दं। सावसि मन्थि दिनेश गुन्दुआ बुंदोंदि, बोसोन होनाय बायदियै गासैबो सुबुंफोरनि थाखाय,

जर'खायै 60 बोसोर बैसोनि गोजैनि सुबुंफोरनो आरो गोब्राव बेरामजों भुगिनांनय सुबुंफोरा मानिनांमोन। मन्थिआ बुंदोंदि, गुसु, लोमजानाय बायदि लैखोनगोनां गथ'फोरखौ फरायसालियाव दैथायहरनो नाझ आरो बिसोरखौ न'आवनो नोजोर लाखिनांमो। जुदि गोनांथि जायो, अब्ला आन्जादबो खालामनांमो। मन्थिआ फिन आरोबाव बुंदोंमोनदि, सुबुंफोरा जिंगा

सिनांगौनि गोनांथि गैया नाथाय सांघ्रां थानो आरो सांघ्रांथि लानायनि गोनांथिनि सायाव गोसो होनांमोन। बिथाड बेखौबो बुंदोंमोनदि, सरकारा गोदान बोसोर फालिथायनि थाखाय जेबो हेंथा होआखैमोन, नाथाय होंगो दोंगो जायगाफोराव मार्स्क गान्नायनि सुबुरुन होदों। कर्नाटकआव मंगलबारखालि थानाय 24 घन्टायाव 74 गोदान कभिड-19 केस आरो सानै थैनायनि खौरां मोन्दों। हेल्थ बुलेटिननि बायदिब्ला, बे गोदान के सफोर जों राइज्योआव फाहामथाय लाबाय थानाय बेरामिफोरनि अनजिमाया बांनानै 464 जाबाय। सावसि बिफानजेदों फोसावजानाय बुलेटिननि बायदिब्ला, थानाय 24 घन्टायाव 44 बेरामिफोरखौ देहा फाहामसातिनिफ्राय हमारनाय जादों आरो गासै 6,403 सुबुंफोरखौ आन्जाद नायनाय जादोंमोन जेराव

इज्राइलआ भारतआव थाग्रा गावनि नोगोरारिफोरनि थाखाय रैखाथिनि बोसोन होदों

4,680 आर.टि.-पि.सि.आर. आन्जाद आरो 1,723 रेपिड एन्टिजेन टेस्ट खालामदों।

इज्राइलआ भारतआव थाग्रा गावनि नोगोरारिफोरनि थाखाय रैखाथिनि बोसोन होदों



गोदान दिल्ली, 27 डिसेम्बर: इज्राइलनि हायुडरि रैखाथि गौथुमा गोदान दिल्लीयाव इज्राइल राजथानै थाग्रा खुलिनि साखाथियाव मंगलबारखालि बमा बेरफुनायनि उनाव भारतआव गावनि नोगोरारिफोरनि थाखाय मोनसे एलार्ड फोसावदों। मंगलबारनि मोनाबिलियाव चाणक्यपुरि राजगारावारि एनक्लेभआव इज्राइल राजथानै थाग्रा खुलिनि साखाथियाव मोनसे बमा बेरफुदोंमोन। बे बेरफुनायाव रावबो जखम जायाखै। गौथुमा बेखौबो बुंदोंदि, बेरफुनाया मोनसे उतखारि हान्जा

गार्लोबनाय जानो हागौ। बेनि उनाव, इज्राइलनि एन.एस.सि.आ इज्राइलनि नोगोरारिफोरखौ होंगो दोंगो जायगाफोर (मल आरो हाथाइफोर) आरो सोनाबारि/इहुदि आरो इज्राइली महरै सिनायथि होजानाय जायगाफोरनिफ्राय गोजानाव थानो बेसोन होदों। बिथांमोनखौ रायजोआरि जायगाफोराव (रेस्टुरेन्ट, हटेल्, पाब बायदिफोरखौ लाफानानै) सांघ्रां जानोबो खवलायदों। सुबुरुनफोरा इज्राइलनि नेर सोनफोरखौ आबुडै दिन्थिफुनयनिफ्राय गोजानाव

थानाय, खैफोद गैयै गेदेर बिबानि हाबाफारिफोराव बाहागो लानायनिफ्राय गोजानाव थानाय, आरो समाजारि बिजोडव दावबायनाय हाबाफारिफोरजों लोगोसे नंगुबै समाव दावबायनायनि सावगारि आरो गुवारै फोरमायथिफोर फोसावनायनिबो सुबुरुन होयो। इज्राइल राजथानै थाग्रा खुलिनि बुंथिगिरि गाय निरआ बुंदोंदि, जों रोखा खालामनो हायोदि, बेलासिनि 5:48 रिंगसोआव राजथानै थाग्रा खुलिनि साखाथियाव बेरफुनाय जादोंमोन। दिल्ली पुलिस आरो रैखाथि हान्जाया जाथायनि

सोमोन्दै नायबिजिरगासिनो दं। नायबिजिरनायाव, दिल्ली पुलिसआ सि.सि.टि.भि. फुटेजआव सानै सन्देहगोनां सुबुंफोरखौ नुनो मोन्दों। आथिखालाव पुलिसआ खाथिनि सि.सि.टि.भि.खौ नायबिजिरगासिनो दं जाहाथे सन्देह गोनां सुबुंफोरखौ मिथिनो हायो। सानै सन्देहगोनां सुबुंफोरा माबैरे बबे लामानिफ्राय फैदोंमोन लोगोसे पुलिसआ गांसे लाइजाम मोन्दों, जाय इराजियाव लिजानाय। सिगां समाव गोदान दिल्लीयाव इज्राइलनि राजथानै थाग्रा खुलिफोर आरो बिन मावफारियाफोरखौ गार्लोबनाय जादोंमोन। 2021 मायथाइयाव इज्राइलनि राजथानै थाग्रा खुलिनि बायजोआव मोनसे बेरफुनाय जादोंमोन, जाय कारफोरखौ ख'हा खालामदोंमोन नाथाय रावबो थैयाखैमोन। फेब्रुआरि 2012 मायथाइयाव, राजथानै थाग्रा खुलियाव सासे इज्राइलनि रैखाथि गार्डनि बिसिआ गोदान दिल्लीआव गावनि कारआव गार्लोबनायाव जोखोम जादोंमोन।

गोदान बोसोरनिफ्राय पेट्रल आरो डिजेलनि बेसेनआ दावरल्लायनो हागौ

गोदान दिल्ली, 27 डिसेम्बर: हादरनि राजखान्थियाव बिसायख'थिनि गाबखौ रोखायै नुनो मोन्दों। बिजेपिआ बावैसो समाव गासै दर 4 गिदिर राइज्योफोरनि गेजेराव दर 3 राइज्योआव जाफुसारनायखौ मोन्नो हादों। नाथाय थैवब्लाबो बेरेखा हान्जानि फारिनिफ्राय बेसेन बांनयाखौ आयदा बानायनो नाजानाया सोलिगासिनो दड। बेबादिआव पेट्रलियाव सेक्टरआव जाय थासारिआ सोलिदों, बेजों ऐरबादि इसारा मोन्दोंदि, बिसायख'थिफोरनि सिगां हादरआव पेट्रल-डिजेलनि बेसेनफोर बाडइ जानो हागौ। मानोना 2023 नि डिसेम्बर दानआव भारतआ हारिमायारि बाजारनिफ्राय बेरलफ्रोमबो 77.14 डलारआव गोथां थावखौ गुबुन हादरनिफ्राय लाबोदों। बेयो थानाय 6 दाननि बयनिखुइ बाडाइसिन बेसेन जादों। बे रंखान्थि बोसोरगव गोथां थावनि बेसेनआ बेरलफ्रोमबो नै दानआववो (सेप्टेम्बरआव 93.54 डलार आरो अक्टबर



दानआव 90.08) 90 डलारनि बांसिन जादों। जेराव आद्रा थानाय 7 दानआव बेरलफ्रोमबो मिनिमाम 74.93 डलार आरो मेक्सिमाम 83.76 डलार जादों। भारतआ मुलुगनि गाहाइ रंखान्थि बेवस्ताफोरव दरसेल'हादर जेराव पेट्रल आरो डिजेलनि खुसरा बेसेनफोरव 2022 नि 22 मेनि उननिफ्राय जेबो सोलायनाय जायाखै। बै समाव मिरु सरकारआ मिरुवारि दिहुन्थाय फिसआव बाडाइ खालामदोंमोन। नेमखाथिफोरनि सायाव बिथा खालामनानै दासिमबो थाव कम्पनीफोरा सानफ्रोमबो बे दिहुन्थायफोरनि बेसेनफोरव थि

खालामनायनि मोन्थाय दड, नाथाय बिसोरो बे मोन्थायखौ 2022 नि 06 एप्रिलनि उनाव बाहायाखै। बे समाव भारतआ गोथां थावखौ बांसिनै 116 डलारसिमआव (2022 नि जुन दाननि एभोरज बेसेन) बायदों आरो मिनिमाम 74.93 डलारआव बायदों। नाथाय खुसरा बेसेनफोराव जेबो सोलायनाय फैयाखै। आथिखालाव जेब्ला बिसायख'थिआ खाथियाव फैदोंब्ला सरकारनि गेजेराव खुसरा बेसेनफोरखौ दावखलायहोनायखौ लानानै बाश्रा सावरायनाया सोलिदों।

बेनि सोमोन्दै थानाय सानफोरव पेट्रलियाव मावख'नि बिबानिगिरिफोर सरकारि मिरुनि गं 3 गाहाइ पेट्रलियाव मार्केटि कम्पनीफोरजों लोगोसे जथुम्माबो खुदों।

सासे सुबुंआ बोसोरसेआवनो आम्बानीनि खामायनायजों समान आरजिदों

गोदान दिल्ली, 27 डिसेम्बर: 2023 मायथाइया जोबनो थांगासिनो। बे बोसोराव मुलुगनाडैनो गोबां दावराव-दावसि जादोंमोन। रासिया-इउक्रेन दावहा, इज्राइल-हामास दावहा आरो रंखान्थियारि गाजि हालोदनि गेजेराव माखासे अरबपतिफोरा गोबां रां आर्जिदों। बोसोर जोबनायनि सिगां मुलुगनि अरबपतिफोरनि धोनखौ नायोब्ला, टेस्ता, स्पेसएक्स, एक्सनि बिगोमा एलन मस्कआ बे बोसोराव बयनिखुइ बांसिन रां आरजिनो हादों। आरजिनयनि बिथिडव मस्कआ बयनिबो सिगांमोन। मस्कआबो एक्सखौ लानानै गोबां दान्थे-बिदान्थेयाव दं



नाथाय बे बोसोराव बिथाड खामायनायनि बेलायाव बयखौबो उनाव दोनलांदों। ब्लूमबार्ग बिलियनार्स इन्डेक्सनि अरबपतिफोरनि फारिलाइखौ नायनानै, एलन मस्कआ बोसोर 2023 मायथाइयाव 97.8 बिलियन डलार आर्जिदोंमोन। बिथानि गासै खामायनाया 236 बिलियन डलारसिम सौहैबाय। बे गिदिर

भारतनि बयनिखुइबो धोनिंसिन फालांगियारि मुकेश आम्बानीनि गासै खामायनायनिफ्राय बांसिन। ब्लूमबार्ग बिलियनार्स इन्डेक्सनि बायदिब्ला, एलन मस्कआ बोसोर 2023 मायथाइयाव 97.8 बिलियन डलार आर्जिदोंमोन। बिथानि गासै खामायनाया 236 बिलियन डलारसिम सौहैबाय। बे गिदिर

धोनजों एलन मस्कआ मुलुगनि बयनिखुइबो धोनिंसिन फालांगियारि जानो हाबाय। एलन मस्कआ गावनि फालांगिखौ मोनसेनि उनाव मोनसे फेहेरगासिनो दं। टेस्ताया बिथानि सिमानि कम्पनी। मस्कआबो बिथांखौ भारतआव लाबोनी थियारि खालामगासिनो। बेनि थाखाय भारतजों बिसोरनि सावरायनाया सोलिगासिनो दं। भारत आरो एसियानि बयनिखुइबो धोनिंसिन फालांगियारि मुकेश आम्बानीआ बोसोर 2023 मायथाइयाव 97.8 बिलियन डलार आर्जिदों। बे खामायनायजों बिथानि गासै सम्फथिया 96.2 बिलियन

डलारसिम सौहैबाय। आम्बानीनि उनाव भारतनि नैथि बयनिखुइबो धोनिंसिन फालांगियारिआ आडानी गुपनि मासिगिरि गौतम आडानी। हिन्डेनबार्ग गार्लोबनायनि उनावबो गौतम आडानीआ फैफिनो हादों। आडानीआ बे बोसोराव 36.3 बिलियन डलारनि सम्फथिखौ खोमाना लादों। बिथानि गासै सम्फथिया 84.3 बिलियन डलार आरो बिथाड मुलुगनाडैनो अरबपतिफोरनि फारिलाइआव 15थि मासियाव दं। मेटानि गाहाइ मार्क चुकारबार्गआ बे बोसोराव आदानीनि गासै सम्फथिनि समान आरजिदों।

गावआरि लननि सोलायै बाडाय सुदआव सनानि लन मोन्नो हायो

गोदान दिल्ली, 27 डिसेम्बर: माब्लाबा माब्लाबा जौनि खरसाया जौनि आयनिफ्राय ओंखारलाडे, जेब्ला गोबां थांखि लानाय जायो। बेबादि थासारियाव जौं सोरनिफ्रायबा दाहार लानांगौ जायो। बेबादि थासारियाव नोंथानि सनाया नोंथानि थाखाय खामानि मावो। सनाया जेब्लाबो सुबुफोरनि थाखाय मोनसे राहा जायो, जायखौ मानसिफ्रा गावसोरनि गोनांथार समाव बाहायो। मख'नो गोनांदि, थानाय माखासे बेसोरफोरव बेकफोरा सनानि दाहार लानायखौ गोरले खालामदों। जुदि नोंथाडबो सनानि दाहार लानो लुबैयो, अब्ला नोंथाड माखासे राहाफोरखौ मानिनांगोन। जुदि नोंथाड दाहार लानो लुबैयो, अब्ला नोंथाड सनानि दाहार लानो थाखाय मोन 6 राहाफोरखौ मानिनांगोन, जायनि उनाव नोंथाड गोरलैयैनो लन मोनगोन। सोलोंथाया साफ्रोम सुबुनि जिउनि मोनसे गोनांथार बाहागो, जायखौ बयहाबो मोनथाइ दं। बेबादि थासारियाव जुदि नोंथानि सोलोंथाय लनखौ पास खालामनाय जायाखै, अब्ला नोंथाड नोंथानि सनानि हेफाजाबजौं दाहार लाना गावनि गथ'फोरखौ बिसोरनि सोलोंथाइखौ फोजोबनायाव



मदत खालामनो हागोन। माब्लाबा माब्लाबा जौं हरखाबे मोनसे जाब्रबथायजौं मोगा-मोगि जानो गोनां जायो बे थासारियाव बे खरसाखौ बाहायनो थाखाय नोंथाड सनानि लननि हेफाजाब लानो हायो। जाहाथे नोंथाड जेबो जिंगा सिनाय गैयाजासे गोरलैयैनो सुख'नो हायो। जुदि नोंथाड फालांगि खालामनो लुबैयो एबा गावनि फालांगिखौ जौगाहोनो लुबैयो, अब्ला सना दाहारा नोंथांखौ मदत होनो हागौ। बेनि मदतजौं, नोंथाड नोंथानि फालांगिखौ जागायनो एबा फेहेरनो हायो, आगजुफोर बायनो हायो एबा नोंथानि नोगोद रानि बोहैथिखौ दिदोम खालामनो हायो। गोबां समावनो हाबाफोराव गोबां खरसा जायो। बेबादि

थासारियाव नोंथाड नोंथानि बाडाय खालामो। बेबादि सना दाहार खौ खुसिनि थासारियाव नोंथाड सनानि आबहावाखौ मोजाडै लाखिनो लनखौ बाहायनो हागोन आरो थाखाय बाहायनो हागोन। बेयो गावनि खामानिखौ मावनो गोबां समावनो नोंथानि जेनाखौ हागोन। □

सिमांफोरा थपलासे गहेना बादिमोन

आंहा गोसोआव दं नाथाइ हमदानो हाबाडखिसै बैफोर जिउनि फारिलाइफोरा सिमाना मोगथांमोन, जिउआ फेरलेबसे नखानि मोदाननायबोल' सम जायोब्ला गांखं बुनाबनो हानाय गोहोआबो गैया जालाडे। आनि राव, आनि बानबुथि गोरबोआव गंसे सोदोबनि न'मा लुफुगासिनो दं। दिनैनि बे निन गोनां सिमांफोरा थपलासे गहेनाबादिमोन जेन बियो सना-रुपा नंआ लेनश्चिजाय हानि फांसे गेरमसा बिफोनि गोथां समायना गाबगोनं जिउसो। देखो गैथि मोनाबिलिनि गोरबो बिखा सौंगिलखाहोनाय सोदोबफोर, आनि रेबगननि हांखोजौं आबुं जानाय गांसे खाखोर बिलाइ। एख'नब्ला एख'नब्ला गोसोखाडेबो मोनसे सम बुब्लिनि फारिफिन रोडै जाथाइफोरखौ, एख'नब्ला एख'नब्ला बोहैयोबो थरथिसे मोदें, आंहा दिनै सिमांफोरखौ लानानै गांसे सावगारि एरखानो सम गैया, मानोना जिउआ दैथुनबादि फैलासेमल' दानो दं दानो गैया..... आंहा गोसोआव दं आंहा गोसोआव दं बै समाव बुंनाय माखासे खोथाफोरखौ आंहा गोसोआव दं आंहा गोसोआव दं नोंजौं नेवसिजानाय बै समफोरखौ।

सोरां खेरकातारी बाक्सा

बुंस' हालिया

आदि नोंखौ मा बुंनानै रायदाव बावनो नोंनि बिखायाव, नोंखौदि आनि गोबां गोसोजौं अराय सैथोयै मोजां मोनो। आंखौ सोर मिथिनो लाइमोन; आनि जीउनि गोनाय उखेनायखौ। सोरदि फोथाय बावगोन जौमोन बैसोनि दुखु जाल्लांखौ। आनि मेगननि नोजोराव नोंदि दड जादुगिरि आनि जीउनि सोलेराव नों गेलेफेयो। जायसो गोसो थोलायदों बेसो बुजिदों, जेरावरि थड नोंनि हायना महरआ जेरैखि साना नोंनि थाखायल' रजे। नोंनि बुंनाय रावआ, खालामबाय आंखौ फार्ला, नोंनि हायना महरा जाहोबाय आंखौ फार्ला। नोंखौ सानसे नुडब्ला गोसोया जायो उसाव बादोव आजोला जीउआ नोंनि थाखायल' सानफलांबाय थायो। अरायबो नोंखौल' साखाथियाव बजबना लानो सानो आं नोंनि अनाय मोनोब्ला बेसेदि मोजां मोनो आं नोंखौ बुंसनो हालिया रजे।

- आनाजिद बसुमतारी
गामि- बांगलाबारि,
ला:सो:- दावलाबारि
जिला- कक्राझार, बिटिसि आसाम

रंजालि गथ'फोरनि औरा 'जुलिनि उनाव' मोनाबिलि

नै आंगै फागिल लाफाथि नुनायावलाय नोंलाय सिल्पा सिथि सिखारो नों फुनि 8 था 9 थानि खाथि खाथि आंहासो राइजायो आइजौं बेरे फुंजानि असानथि बुंलाइदोंमोन आं आइनि बिहामजो जागोना जोबोद क्यूथि ह' सिला सिब लामा सिब लाला बिला हासिबनि खाथि फार्ला जालाइदोंमोन आं बेखौनो सेंग्रायाव मेलेम खाथि खाथि।

मबाइल नायना मिनिग्लाब मिनिग्लाब संदों ओंखाम बिहाव बिखुनजोआ मोनजादों ओंखाम गोखाम माब्लाबा गोबाव माब्लाबा आलौब्रेनाय माब्लाबा दैल' ल' आइ आफया नाहरदों आनिथिसो बेरल' ल' आमथा आमथा गोसथोना लानाय हिनजाव बुंनोबो हाया औरैनोबा गोर राव।

दानो फंसे बुंगोन बिसि मोजां आवरायजागोन लिरना दोनखानाय खन्थाइ साथेरि मोजां मोजां गोसथोलायनाय समाव मोनगौबा आनि बुंनाय दायलग जावल्या आं दाना जानांबाय हिन्जावनि सेराव खुगाया लग बेनो जाबाय हिन्जाव साइस नाइना मोजां मोनना लानायनि बान्था दासो हमनांबाय आं खाफल लान्था।

दंबावोसो हनै गथ' गथाइ लारि लारि गाननाय जोमनाय जाहोनाय फरायनाय लिरनाय फारि फारि बोरायस्लाबा मास्लाबा मोनजोबसिगोन खानाय दारि संसारजौंसो मिनिखुमाजासिगोन राइलाइखुमा जासिगोन सिरि सिरि।

निरन्जन बसुमतारी
नतुन सनाफुर, गहपुर

आगोमा बड'सा

बर' हारिनि गेजेराव बर' बिमानि गावनाय-मिनिनाय दुखु-दाहाखौ बर' फिसाफोरनि गेजेराव बिलायनो जोनोम मोन्दों नों आगोमा बड'सा खौरंलाइ। बजबगोन जौं बर' फिसाफोरा नोंखौ अराय। बर' हारिनि गावनाय-मिनिनाय गासिबोखौबो नोंनि बिखायाव बजबना लानानै फोरमायो नों बर' हारिनि गेजेराव। नोंनि बिहोमाखौ जौं बर' फिसाफोरा जेब्लाबो बावनो हानाय नड। अरायबो थानानै थार्थों आगोमा नों बड'सा खौरंलाइ।

निजिरा ब्रह्म
गामि-सिम्बरगाव

नों आनिफ्राय ...

जिउनि मोनफ्रोमबो बुब्लिथिं बोहैदों खुसिनि निजिरा, नोंखौ लानानै बै गाथोनाव जिउनि आगान फोरमायस' हायै समनि दाहारआ नोंनि गुरै खावलायाव , अननायनि बान्दोखौ बोफलंनो बै गाथोननि निजिराया रंजादों। समजौं गोरबनाय जिउनि देरायाव नोंखौ साननानै, हास्थायनानै समनि दिड गोबां बिखायाव दादोंमोन निजिराजौं बोहैफानो नाथाय- लोरगि गैयै अनायनि दिड गोजावबाय, दुखुथिया लैथो जिउ बिखायाव। फोरमायनो हाया जोनोमनि बुब्लि नायगिरना मोना जिउ दिड लोरगि बोहैबाय दै देथुनजौं मेगननि मोदें, नोंनिनो अननायनि निजिराया बोहैबाय लैथो बिखायाव मोसा-मोसा राइक्षसी महर लाबाय गोसोम जोमेआ बासा लाबाय अनायनि दौलेंआव दुखुनि मोदेंजौं अखा हाबाय समायना जिउ बुब्लिया आलादिड गोजाव लांबाय सिमांफुरिआव।

-दिगन्त लावारी बड'सा
राबां भगपुर, बागसा

मोनाबिलिनि निजोम खोमसि हराव, गोजौ अखां फारसे लारि लारि हाथरखि अलंबारनि जौंनया समयना रमायना खालामदों। मोनाबिलिनि निजोम खोमसि हरखौ गोसोआव मानिबा दरसि - दरसि मोनदों। लवक्षी फेसानि गावनायखौ गिखांदों मानिबा निदान सानना मोनाबिलिनि निजोम खोमसि हराव, दाडमैनानि गोदैं गारांजों रोमै रोमै खोनादों सासे गथ'सानि गावनाय। नाथाय बे मोनाबिलि समाव सोर जाखो नों गथ' ? मानि जाहोनाव मेगनाव मोदें ? फोरमाय नों आंनो अह.. नाथाय नों आंनो माबोरै फोरमायनो नोंनि खुगायावदि राव गैया। मोदेंनि इसाराजौं फोरमायदों नों आंनो गोसोसिखव मानिबा दुखु दड होनना।

मुं: मुत्त्रि सुब बर'
गामि: 1 नं सियालमारि

गजल खनथाइ

उदैनै बाश्रा रजेनो
मालादि हागोन फोरमायनो

फोरमायगोन फोरमायगोन
हरदम बिलियाव सानो

नाथाय साखाथि थाराव
लोगो मोनोबा मानो

खुगानि रावा
बबा बादि जाफिनो

लिरगिरि-रैदोम बर',
माजदिया, बगुलामारि, बाक्सा

टेद्रिकटिस खनथाइ

नों
सानसार
गोरबोनि
सुबुंखायनो
मालाइयारि गोरबोखौ बुजिया

जौं
जाबाय
रेबगारि
जौनि आबेग
अरायबो बिलियाव सैथोयारि

नों
मानो
एसेबां
हांसो-हांसो
फैलाय नांगौ जाखो जौमोन फंबाय

आं
नोंखौ
थाथ'नो
खोनथा हरबाय
आंहासो हांसो-हांसो जानांबाय

नों
सानखां
अरायबो
माबा मोनसे
लिरथि सोरजिनो गोरबोसे दंबा।

-रैदोम बर',
माजदिया, बगुलामारि, बाक्सा

अलिम्पिक

क्वालिफायरनि थाखाय आइजो हकीनि केम्पआ बेंगालुरुआव जागोन



गोदान दिल्ली, 27 डिसेम्बर: अलिम्पिक क्वालिफायर आरो हकी फाइभस कापनि थियारिनि थांखिजौं भारतनि सा 34 सोद्रोमानि हान्जाया सिनियर आइजो हकी कचिं केम्पआव बृहस्पतिवारनिफ्राय बाहागो लागोन। स्पेनआव दरबा हादरनि दुर्नामेन्टआव मेचखौ दैदेनग्रा हादरनि अनगायै बेल्जियाम, जार्मानी आरो आयारलेन्डजौं बादायनायनि उनाव भारतीय गेलेगिरिफोरा ब्रेकआव दडमोन। बे खेबआव बिथांमोनहा केम्पनि गेजेरजौं गावसोरनि फर्मखौ लाबोफिनो नाजादों। अलिम्पिक क्वालिफायरआ रान्सिआव 13-19 जानुवारिनि गेजेराव जागोन। जेराव भारतीय टीमआ पुल-बिआव निउजिलेण्ड, इटली आरो आमेरिकाजौं लाखिजादों। पुल-एनि फारिआव जार्मानी, जापान, सिलि आरो चेक रिपब्लिकआ जायगा मोन्दों। भारतआ रान्सिआव जालांनय अमेन एसियान सेम्पियन्स ट्रफीआव मोजाडै दिन्थिफुंदोंमोन। जाउनाव बे फोथारावनो भारतीय आइजोफोरा गावसोरनि फर्मखौ लाखिनायनि थांखिजौं ओंखारगोन। भारतनि गाहाइ कच यानिक शपमेनआ दरबा हादरफोरनि दुर्नामेन्ट अलिम्पिक क्वालिफायरनि सिगां थियारि जानायनि मोजां खाबु मोन्नायखौ फोरमायदों आरो बे समाव गोरोनथिफोरखौ सुद्रायनांगौखौ केम्पनि समावनो हाबा मावगोनखौ मिथिहोयो। शपमेनआ एसियान सेम्पियन्स ट्रफीआव देहानायनि उनाव रान्सिआव फिन गेलेफिनो मोनगोनखौ लानानै उसु-खुथुआव दड। बिथाडा पेरिस अलिम्पिकआव 2024 आव क्वालिफाइ जानायनि थाखाय गोसोयारि, देहायारि आरो थांखिआव गोख्रौं जानांगौनि गोनांथिखौ फोरमायो। भारतीय टीमआ बेनि उनाव अमाननि मास्कटसिम दावबायगोन। जेराव बिसोरो 24-27 जानुवारिसिमनि गेजेराव हकी फाइभस वर्ल्ड कापआव बाहागो लागोन। □

मेगन खाना जानात्यनि मारवासे

बे मेगन बेराम हेफाजाबगिरिया गुदि सेहेरा फु लि सिडाव दंनायमानि मेगन बेरनाय(Catajact) बेमारिफोरखौ नागेरना लिस्ट खालामो आरो सान अक्त थि खालामनानै जिल्लानि डाक्टर लाबोनानै अपारेसन खालामनानै होयो । बे अपारेसन खालामब्ला रां गरसेबो डाक्टरानो होनाडा आरो ड’ सप्ताहनि उनाव बेसेन लाया जासे सच’माबो गंफा हरनाय जायो ।

बे केटेरेस्ट अपारेचनआ गिदिर अपारेचन नड। बिजि होनानै बदा खालामनानैनो अपारेचनखौ खालामो थामजि मिनिटनि गेजेरावनो अपारेचनआबो जानानै थाडे। बिनि थाखाय हस्पिटेलबो गिदिर नाडा। गामिनि गुदि सेहेरा खुलि एबा डाक्टरखानाफ्रावनो बे अपारेचनखौ खालामनाय जायो। आरो सानबासो जिरायनानैनो न’आव थांफिन्नो हायो।

जानो गैथै एबा थोब्ले-माब्ले मोनजग्राफोरनावबो मेगननि बेरामफ्रा थाब जानो गोल्लै मोनो होनब्ला मेगनखौ गोगो लाखिनो थाखाय मानसिनो भिटामिन ए. डि नांगौ। ए, डि भिटामिनफ्रा मोदोम बिगुरखौ गिसि जॉखोल लाखियो। बेखायनो बे भिटामिनफ्रा मोदोमाव गैयाब्ला बिगुरा खुथु-खाश्रा गोरान जायो। बिदिनो



रानै रानै बिगुर बादिनो मेगनाबो रानो बेनो Xerosibmia मेगन फिथाया रनानै खेबसे गावबाथाय बे मेगना जेब्लाबो मोजां जालिया, बेनो Xerophotomia.

बेखायनो नोंथामोनहा भिटामिन ए, डि बहा मैंगफोरखौ जानांगौ। भिटामिन एखौ गाजर, बान्दा कापि, फालें, गरसी, लाफा, दिंखिया बायदि बायदि मैंग गोथाडव मोनो। बिदिनो दावदै, गायखेर

माखन, लिभारफोरावबो मोनो। मैंगनि गेजेराव गाजरा भिटामिन ए बह्वासिन मैंगं। बेखौ चाटनि बानायनानै गोथाडै जाब्ला गाहामसिन।

भिटामिन डिखौ लिभार, दावदै, गायखेरफ्राव मोनो। फुनि सान्दु गोरलैयाव गस्ता गाना जासे सानदुं दुगैब्ला (Sun bath) बे भिटामिनखौ सान्दुंनिक्राय मोनो।

नोंसोर दाव खाना बेराम एबा सान हाबब्ला

नुयै बेरामखौ खोनाबाय ना? बेबो जेबो नड। मोदोमाव भिटामिन ए, डिनि कहा जाब्लानो दाव खाना(कुकुरी काना) बेराम जायो। दाव खाना जाजेनब्लानो हमना लादो बनि मोदोमाव भिटामिन ए, डिफ्रा गैलिया आरो अब्लानो भिटामिन ए, डि मुलिखौ होफैथारनांसिगौ। दाव खाना जासेयावबो होखाराब्ला बनि मेगना रानै रानै गवानानै गाराय जागोन, बेनो Keratomacia. अब्लाहालागै मेगना खाना जागोन।

बिखायनो नोंथामोनहा मेगन गाहाम लाखिनो थाखाय, मोदोम बिगुर जॉखोल लाखिनो थाखाय सम सम भिटामिन ए डिखौ जानांगौ एबा न’आवबो मोनद्लाबायनाय मैंगं गोथां गाजर बेफोरखौ गोबाडै जानांगौ।

मेगन गाहाम लाखिनो उन्दैनिक्राय लानाय राहा दंबावयो, बेनो जाबाय लाउ लाउ भिटामिन ए,डि दौनाय एबा बे भिटामिन मोदोमाव खहा जायैन राहा (prophylaxis measure).

लाउ लाउ भिटामिन ए, डि दौनाय सम जखा (Vitamin A D Solution prophylaxis schedule)-बे राहाखौ ड’ दान एबा गु दान आबुं जाब्लानो दौनांगौ। ड’ दान एबा गु दान बुंनाय खारनाय जाबाय। नेमा दानावनो सामससे दौनांगौ, नाथाय गु दान आबुं जाब्ला Measla बैदो होनो बिमाफ्रा गथ’खौ लाबोयो बिखायनो ड’ दान एबा गु दान आबुं जाब्ला दौनांगौ होनदों।

जायखि जाया बै बैसोयाव से सामस सेथि खेब बिनिक्राय ड’ दाननि उनाव नै सामस नैथि खेब, बेनिक्राय नै सामस थामथि खेब, बेनिक्राय नै सामस त्रैथि खेब, बेनिक्राय नै सामस बाथि खेब। माने ड’ दाननि उन उन गासै खेबबा दैनांगौ बोसोरथाम बैसो जाबाथाय। अब्लानो मोदोमाव

भिटामिन ए, डि खहा जानानै उन्दै समाव मेगन गात्रि जानाय नि बाश्रा थाया। नोंथामोनहा केटरेक बेरामनि अनगा मेगननि गोबां बेरामफ्रानो मेगन हायै जाग्रोनानै सनदेरनो गोल्लै एबा मेगन फारसेथिनिक्राय फारसेथिं सनदेरनो गोल्लै। बेखायनो खनसे मेगन हायै जाबाय होनबाथाय जोबोद सांग्रां जाथारनांगौ।

सांग्रां जानांगौ बाश्राफोर-

1)लो गलायनाय एबा जॉथि बाथि एबा सानदुं गोब्राब सानखौ दानायहाब। बेफोरनि थाखायनो मेगन मनि बेरो बेनो केटारेक बेराम।

2)मटर गाडि खिथु खिथु हादि गुफुनायाव दाखारफा, मेगनाव हादि हाबब्ला मेगन हायै जानो हागौ।

3)मेगन मानब्ला दाफुफ्ले. मेगन फिथाया दुलुनानै मेगन गात्रि एबा खाना जानो हागौ। थाब Betnevol N होब्लानो मानगाथारो।

4)गन जंफारफोर लानानै दागेले, बोरैबा फोर मेगनाव नांनो हागौ।

5)मेगन जाब्ला खांग्रानानै उन्दु एबा मेगन हायै जानाय मेगनखौ गाहाय खालामनानै खायश्रा उन्दु। नडब्ला मोदै बोहैदेरनानै मोजांआबो हायै जानो हागौ।

6)मेगन हायै जाब्ला दै गुदुंजों मेगनखौ सु। सिगाडव मोखांग्वौ सुग्रो उनाव हायै मेगनखौ सु।

7)हायै जाब्ला थाम्फे दाबाहो, हागौब्ला रोजा खोमसि सचमा गान एबा बेन्देज होनानै ला।

8)जेखि बेराम जाया मानो थाब सोखागिरिनो दिन्थिनानै ला आरो थाब सोखानायनि राहा खालामहो।

गोजौयाव सावरायबोनाय बाश्राफोरखौ गोसोयाव लानानै सांग्राथि राहाफोरखौ बयबो आजावगोन होन्नानै आं मिजिं थिबाय।

(1 बिलाइनिक्राय)

सानथामनि हाबाफारिजों दुलाराइ आसाम नाथ ..

जाफुंसार होनो थाखाय रायदाव आफादनि मावफारियाफोरजों लोगोसे ओन्सोलनि राइजो-रजाफोरबो नोंथाबदों। दिनै गिबि साननि हाबाफारि बादियै जथुम्मा थिलिनि गाहाइ हाबग्ग दरखेखौ बेखेवनानै होयो गागि समाज सिबियारि मुरुलिधर मेंधिआ। बेनि उनाव हाबाफारि बादियै आफादनि फिर्फिला बिरहोयो रायदाव आफादनि आफादगिरि आरो एमएलए लेरेस इस्लारीआ। मुंख्लंफोरनो मान बाउबो मिरु आफादनि गाहाइ नेहाथारि अरबिन्द नाथआ। बेनि उनाव यगि गुरु गरख नाथनि सावगारियाव बिबार बाउनाय आरो बिफां फुलि गायनाय हाबाफारि खुंनाय जायो। दुलाराइ आसाम नाथ यगि फरायसा आफादनि गाहाइ नेहाथारि अरबिन्द नाथआ खौयं बिजौनि सिगाडव नाथ यगि हारिनि दिनेनिक्राय जागायजेन्नाय जथुम्माखौ जारिमिनारि महरै सिनायथि जागोन होन्नानै दाबि खालामनानै बिथाड जथुम्मायाव मोनै गेवलां मेल खुंनाय जागोन होन्नानै फोरमायो। गाबोन खुंनो गोनॉ गेवलां मेलाव आसुनि गाहाइ बोसोनगिरि समुज्ल भट्टाचार्यनि अनगायैबो गुबुन गुवुन हरि-माहारनि बिबानगिरि-दैदेनगिरिफोरखौ हांखायहरदों होन्ना बिथाड मिथिहोनानै गाबोन खुंनो गोनॉ गेवलां मेला राजखान्थियारि मेल जागोन होन्नानै बिथाड बुडो। बिथाड बे मेलाव हारिनि जौगाथायनि सार्थआव सरकारजों सावरायलायनो खोथा होनायखौ मावफुडेंनि फिथाइखौ 2024 माइथायनि लकसभा बिसायख’थियाव नुगोन होन्नानै रोखा खालामनानै होयो। लोगोसे सोल्लोंथाइ, राजखान्थियारि मोन्थायनिक्राय जागायजेन्नानै माखासे गोनॉथार थॉखि आजावगोन होन्नानै बिथाड फोरमायो। मख’नो गोनॉदि, नाथ यगि फरायसा आफादनि मिरुनि जथुम्मायाव आसामनि अनगायैबो बिहार, उत्तर प्रदेश, मध्य प्रदेश, महाराष्ट्रजों लोगोसे हादतनि दाब-दाब जायगानिक्राय 3 रोजानि बांसिन थान्दैफोगे बाहागो लागोन। बेनि अनगायैबो 7 रोजानि बांसिन मोसाखावरिफोर नाथ यगि हारिनि सुबुं आरिमु-कृस्टरखौ दिन्थिफुंगोन होन्ना मिथिहोनानै बिथाड बे जथुम्माया बायदि जाहोननि थाखाय जारिमिनारि जथुम्मा होन्नानै फोरमायो। गुबुन फार्सेथिं, रायदाव आफादनि आफादगिरि एमएलए लेरेस इस्लारीआ हारिमुवारि फिर्फिलाखौ बिरहोनानै गावनि बिबुंथियाव बिटिसिआव नाथ यगि जौगाखां बडं दाफुंनार्यनि हाबाफारिया जागायजेन्दों होन्ना मिथिहोनानै फकिरागामआव बिटिसि सरकार नाथ यगिफोरनि थाखाय भवन लुनो साखा-फार खालामदों होन्नानै मिथिहोंदों।█

चापरारव बेरेखा दोलो जुथाय आफादनि ...

मानोना बदर्इदिन आजमलनि एआइइउडिएफआ खारसे बिजेपि दोलोनि बाहागो। आसामनिक्राय बिजेपिखौ बोखारनायनि जॉनि बे दावबायनाया धुबुरीनिक्राय जागायजेनांगौ। धुबुरीनिक्राय आजमलखौ बोखारनो हायोब्ला, आसामनिक्राय बिजेपिआ गैथै जागोन।’ -बे बिबुंथिखौ मोन 15 दोलोयारि बेरेखा दोलो जुथाय आफादनि गुबुन मोनसे बाहागोदारि हान्जा असम जातिय परिषदनि आफादगिरि लुरिनज्यति गगैआ होदों। दिनै बेलासिनि 2:00 रिगायाव चापरनि गान्थी मैदानाव बेरेखा दोलो जुथाय आफादनि मोनसे गेदेर राइज्योयारि मेलयाव बाहागो लानानै गगैआ बेबायदि बुडो। मख’नो गोनॉदि, मोन 15 दोलोयारि बेरेखा दोलो जुथाय आफादनि गासैबो बाहागोदारि हान्जानि दैदेनगिरिफोर बाहागो लानाय मेलयाव प्रदेश कंग्रेसनि आफादगिरि धुपेन बराया गावनि बिबुंथियाव आसामयाव आथिखालनि खुंथायाव थानाय गिबि मन्थ्रि ङ शर्माआ हरियारि गोसोयारि सानसिनि बाश्राखौ मख’नानै आसामआव बिजेपि दोलोनि बोखानाय राजखान्थिखौ फोजाव हरनायनि सम फैबाय होन्ना बुडो। लोगोसे दिसपुरनिक्राय जेब्ला हारियारि बिजेपि दोलोखौ बोखारनांगेब्ला, धुबुरीनिक्राय गुबुन मोनसे हारियारि दोलो एआइइउडिएफ आरो दोलोनि दैदेनगिरि बदर्इदिन आजमलखौ बोखारनांगोन होन्नानैबो कंग्रेसनि आफादगिरि धुपेन बराया मख’दों। गुबुन फारसे राइजोयारि मेलयाव राइज्यर दल दोलोनि आफादगिरि एमएलए उखिल गगैआ बाहागो लाफेनानै आथिखालनि सुबुंखान्थि बेसेनफोरनि गात्रि जानाय बाश्राखौ मख’नानै आसामआव सुबुंखान्थिखौ फिन दाफिन्नायनि थाखाय थुबुरा जानाय राइजो-रजाफोरखौ मोनै हारियारि गोहो बिजेपि आरो एआइइउडिएफखौ बोखारनायनि समायखिरा लानो खावलायदों। फारसेथिं 5 रोजानिखुइबो बांसिन राइजो-रजाफोरनि नुजाथि फेनायाव खुंनाय मेलयाव तुनमुल कंग्रेसनि राइज्योयारि आफादगिरि रिपुन बराया बुंदोंदि, बिजेपि हाथाव देश बसाव, हिमन्त हाताव आसाम बासाव स्लगान होनानै चापरारव मेल खुंनायनि सोमोन्दै बिजेपिनि पबित्र मार्थेरिता, मानव डेकामोनहा लाजि फोनांनाय बिबुंथि होनायखौ लानानै बुडो। बिथाड बुंदोंदि, चापरार माइन रिटि खोब-खोब थानाय जायगा नड, चापरार असमीया मैखोम थानाय जायगा। मख’नो गोनॉदि, धुपेन बायया सामलायनाय मेलयाव कंग्रेस दैदेनगिरि आरो एमएलए रकिबुल हुसेइन, सिपिएमनि दैदेनगिरि आरो एमएलए मनरन्जन तालुकदार, आपनि दैदेनगिरि भबेन चौधुरी, काबि आंलिनि दैदेनगिरि जन ईति काथारजों लोगोसे सिपिआइ आरो अल इन्डिया फरवाड ब्लकनि दैदेनगिरिफोर बाहागो लानानै बिजेपि आरो एआइइउडिएफ दोलोखौ आसामनिक्राय फोसावहरनो खावलायदों। मेलनि उनाव कंग्रेसनि एमएलए वाजेड आलि चौधुरीआ साबायख’र बाउनाय बिबुंथि होदों।█

खौरांगिरिफोरनि थाखाय दर 1 0 महकुमायाव ..

घनश्याम दास, आजुनि गाहाइ नेहाथारि नुकुल तालुकदार, समाज सिबियारि आरो फोरेंगिरि देवबार रामसियारि, बड’लेन्ड खौरेंगिरि आफादनि नेहाथारि रमेन दास, आसुनि मावफु सोद्रोमा कंकनज्यति शर्मा, रैसम बिफननि आञ्जिर मोनाय आफादगिरि महन बर्मनजों लोगोसे माखासे जर’खा आलासिफोगे खौरंगिरिफोरनि सोमोन्दै बिबुंथि होयो। हाबाफारियाव गेदेर बरमा ओन्सोलाव थुनलाइ, गेलेमु, हारिमु, आबाद बायदि गुबुन गुबुन बिथिडव बिहोमा होनाय जर’खा सुबुंफोरजों लोगोसे बरमा र्थेभिनउ सार्केलनि सिडव थानाय गामि गाहाइ, खौरां रनफ्राफोरनो गामसा, मानबिलाइ आरो खरिफ्रजों बराय मान बाउनाय जादों।█

(1 बिलाइनिक्राय)

बिश्वनाथआव 3.4 गोख्रों बांग्रि मावदों

सोमजिनाय बे बांग्रिनि जांखिथाया लोरबां होन्नानै फोरमायोब्लाबो बांग्रि सोमजिनाय मिरु खाथिनि थागिरिफोरा मावग्लुंनायखौ मोन्दांथिनो हायो। बे बांग्रिनि जाथायफोरा आसामाव गले-गले सोमजिबाय थानाय बांग्रिनि मोनसे बाहागो आरो बे ओन्सोला बे बायदि मिथिंगायारि खैफोद सोमजिनायनि थाखाय मिथिजायो।█

खोदोमगुरिनि प्रफेसार

कलनीयाव रुंसारि बसन्त ...

गावथारदोंमोन। प्रमद बर’आ बे बायदि गिथावना थासारिया आथिखालाव गैलिया होन्ना मख’नानै बिथाड दिनेनि समाव सोरबाया जुदि हाथियार दैनानै हिंसाजों समाज दाफुंनो सान्दोंब्ला, बे बायदि थासारिखौ जेरावबो नुनो मोन्नाय नड होन्ना मख’नानै आलफानि जेंनाफोरखौ सुस्त्रांनो थाखाय अरबिन्द राजख’वानि दैदेन्नायाव सोलिबाय थानाय गोजोननि सावरायनाया जोबथा खोलोबाव सफैबाय आरो जेंनाया थाबैनो सुस्त्रांजासिगोन। बिथाड आसामनि समाजखौ जौगाथायनि दिगजों दावगालांनायाव आलफानि सोद्रोमाफोरनि बिबान एबा सिमांफोर मोकथां महर मोन्नो थंंगासिनो दं, बेनिखायनो आलफानि गोजोन गोरोबथाया जाफुंसारथों आरो बेनि थाखाय बिथाड गाहाम हामब्लार्याथि जासिहरो। लोगोसे आलफानि बे गोजोन गोरोबथायाव गासैबो हारि-माहारियारि जेंनाफोर सोसनजाथों, जाहाते हारि-माहारिनि जेबो खहा जाया आरो बेखौनो बयबो हास्थायो। गोजोननि सार्थआव जायफोर सिगांबोगोन जें बिसोरखौनो अरायबो बरायगोन होन्नानै परेश बरुवाखौ गोजोन सावरायनायाव फैनो थाखाय बिथाड खारवालायहरो।

गुबुन फार्सेथिं, चापरनिक्राय कंग्रेसआ जाय हाबाफारिखौ लादों बेयाव जिंगासिनो गोनॉ जेबो गैया। मानोना चापरखौ गावसोरनि बिथा सान्दों होन्ना मख’नानै बिथाड कंग्रेस दोलोनिसिम गाहाम हामब्लार्यथि जासिहरो। लकसभा बिसायख’थिनि सम फैदों, बेनिखायनो कंग्रेसल’ नड, फिसा-फिसा राजखान्थि दोलोफोरवबो ऑंखारबोगोन होन्नानै बिथाड बुडो। नाथाय आसामाव ङ हिमन्त बिश्व शर्मा दैदेन्नाय गोदाह राजखान्थियारि हारिमुया राइजो-राजाफोरनि थाखाय खामानि मावनायनि राजखान्थि, राइजो-राजानि जेंना सुस्त्रांनायनि राजखान्थि, राइज्योखौ जौगाखां दर 5 राइज्यो महरै दाफुंनार्यनि राजखान्थियारि सान्नाय-हनायखौ जागायजेन्दों बेजों मोनसेबो राजखान्थि दोलोया बादायनो हानाय नड होन्नानै बिथाड रोखायै फोरमायथियो। बिथाड फैगौ लकसभा बिसायख’थियाव जुथाय हान्जया बांसिन मासि मोनगोन होन्नानै दाबि खालामो।█

एजेवाइसिपिआ इनार लाइन पार्मिट बाहायनाय आरो ‘का’ ...

जिल्ला एबा गुवाहाटीयावल’ नड, हादतनि राजथावनि गोदान दिल्लीनि जन्तर-मन्तरावबो 12 फेब्रुवारीयाव गेदेर हेंथा सोमावसारनाय हाबाफारि खुंगोन एजेवाइसिपिआ। बिजेपि सरकारआ दावराव-दावसि सोमजिहोनाय ‘का’ खौ लानानै बिथागैथै राजखान्थि खालामदों, गुवैथै नोगोरारि सोदंनाय आइनखौ लानानै गोजेन्नाय गैया होन्नानै बुंदों एजेवाइसिपिनि राइज्योयारि आफादगिरि पलास सांमाइया। फारसेथिं आसामनि राइजो-रजा आरो गोजौसिन बिजिरसालिनि बिथोनाव 2024 माइथायनि गेजेरावनो आसामआ इनार लाइन पार्मिट मोनगोन होन्ना मिजिंथिदों एजेवाइसिपिनि गाहाइ नेहाथारि रातुल बर्मनआ। खौरंगिरि मेलयाव आफादनि गाहाइ बोसोनगिरि राना प्रताप बरुवाजों लोगोसे माखासे राइज्योयारि थाखोनि दैदेनगिरिफोरबो बाहागो लाफेदोंमोन।█

समाज बेरेखा आरो जेंनाखौ बोस्त्रांनायाव ब्रह्म समाजआ मैखोम बिफाव लाबोदों: गुलाब चान्द..

आरो द्वारकानाथ टेगर मोनहा ब्रह्म सभाखौ गायसन्दोंमोन। उनाव ब्रह्म सभाआ ब्रह्म समाज महरै मिबथि जायो। राइज्यो बेंगिरिआ बुंवावदोंदि, ब्रह्म समाजनि गुवै थांखियानो जादों गुबुन गुबुन धोरोमारि फोथायथिजों गावस्त्रानाय एना-एनि जानाय सुबुंफोरनि गेजेराव खौसेथि लाबोनाय, समाज बेरेखा खामानि आरो समाजआरि जेंना-जेंसिफोरखौ बोस्त्रांनाय। ब्रह्म समाजआ धोरोमारि, हारियारि फारगथिखौ गैया खालामनाय आरो आइजोफोरनि गोहोखौ बांहोनायाव मैखोमै बिहोमो होबोदों। राजा राममहम रयनो मान बाउनानै राइज्यो बेंगिरिआ बुंवावदोंदि, राजा राममहन रयआ गोदानआरि भारतनि बिफा आरो सासे गेदेमा समाज दाफामगिरि। बिथाड सोल्लोंथाइनि फोथाराव बुंस’हायै बिहोमा होबोदों। लोगोसे समाजनि जेंनाफोरजों लोगोसे समाजनि बेरेखा खामानिफोरखौ गैया खालामनायाव मैखोमै बिहोमा होबोदों। समाजनि थाखाय बिथानि बिहोमा होनाया जेब्लायबो मख’जाथाव होन्नानै गावनि बेखेव बिबुंथियाव फोरमायबावो राइज्यो बेंगिरि काटारियाआ। दिनेनि बे हाबाफारियावनो समाजआरि मावथि अजय दत्त, रबिन्द्र नाथ टेगर मुलुग सोल्लोंसालिनि भाइस सेन्सेलर ङ अमलेन्दु चक्रवर्ति, साउथ पइन्ट स्कुलनि गोरारुं कृष्णन्जन चन्द, एमएलए सिद्धार्थ भत्ताचार्यमोनजों लोगोसे गुबुन गोवां गोजौ थाखोनि बिबानगिरिफोरबो बाहागो लादोंमोन।█

तामुलपुर जिल्ला मावसुमा गौथुमनि 8 थि नै..

मावसुमाफोरा उदांसि गैथै जादों होन्ना मख’नानै बिथाड बुंदोंदि, मावसुमाफोरनि सायाव नार-नाथायै मेलेमारि नारसिन्थाय होदों। मावसुमाफोरनि गेजेराव गोसो गोबोंजों खामानि मावनायनि थासारि सोर्जिना लानांगोन आरो अब्लासो समाजआ थि लामाजों थांगोन। आथिखालाव दान-बान्थानि जेंना गैयाब्लाबो मावसुमाफोरहा गुबुन जेंना दड। गावारि खोन्दोनि फरायसालिखौ गोनॉथि होनानै सरकारि फरायसालिफोरखौ ज’ खालामनार्यनि राहाजों सरकारि फरायसालिफोरखौ बन्द’ जानायनि लामाया उदां जादों। मेलयाव गाहाइ आलासि मासि आजावफैनाय दुलाराय आसाम मावसुमा गौथुमनि आफादगिरि दिपेन शर्माआ बुंदोंदि, फोरेंगिरिफोर बादिनो शुत्तिखौ गुबुन गुबुन मावसुमाफोरबो मोन्नांगैनि दाबि खालामबोनायनि उनाव गासै 24 सानसिम बांहोनायनि गनायथिनाय फाइलआ गिबि मन्थ्रिनि टेबोलनिक्राय ऑंखारबोयारि। 2006 माइथायनि उनाव थिसनजानाय मावसुमाफोरनि सायाव गोदान पेन्सन खान्थि बाहायनानै मावसुमाफोरनि इयुनखौ गोजोन गैथै खालामदों। मावसुमा गौथुमआ रोखा खालामना होदोंदि, मावसुमाफोरनि रेखाथिखौ लानानै इयुननि थाखाय गोदान पेन्सन खान्थिखौ बन्द’ खालामनानै गोजाम पेन्सन खान्थिया बाहायजाथारनांगोन। मावसुमा गौथुमआ माब्लाबाबो बे दाबिफोरनिक्राय जानगारव थाया। मेलयाव बाहागो लानानै दुलाराय आसाम गेजेर इंराजी फोरेंगिरि आफादनि बारग’ आफादगिरि कृष्ण कान्त तालुकदार बुंदोंदि, मानसुमा गौथुमआ आथिखालाव गोखों दैदेन्नायनि गेजेराव दड। बे दैदेन्नाया मावसुमा समाजखौ सिगालांहोगोन। मावसुमाफोरा खौसे जानानै थायोब्ला गासैबो जेंनाया सुस्त्रांजागोन। मेलयाव दुलाराय आसाम मावसुमा गौथुमनि जुथाय नेहाथारि पंकज बर्मनआबो हामब्लार्यथिलाइ होनाय बिबुंथि होदों। मेलयाव तामुलपुर जिल्ला मावसुमा गौथुमनि गाहाइ लाइसि ‘कर्मयोगी’ खौ बेखेवना होयो दुलाराय आसाम मावसुमा गौथुमनि जुथाय नेहाथारि उतपल दासआ। बेनि सिगाडवनो मेलखौ बेखेवना होयो सुबुं लुफुंथाय बिफाननि बिबानगिरि गौरंग नाथआ। बराय बिबुंथि होदों बान्जाय आफादनि आफादगिरि आरो तामुलपुर गोजौसिन गेजेरारि फरायसालिनि गोरारुं बिभुति डेकाया। बे मेलयावनो बाहागो लाफेदों दुलाराय आसाम मावसुमा गौथुमनि लेडइ आफादगिरि बिकाश भत्त आरो अरुन राभा, तामुलपुर जिल्ला मावसुमा गौथुमनि गायनगिरि-आफादगिरि कन्दर्प डेका, बाक्सा जिल्ला मावसुमा गौथुमनि लेडइ आफादगिरि उपेन मेधीमोनहा। बेनि सिगाडवनो फुंनि 9:00 रिगायाव फिरफिला बिरहोयो जिल्ला मावसुमा गौथुमनि आफादगिरि बसिष्ट राजबंसिआ। गोसोखां मान बाउयो बिटिआरनि एमसिएलए हेमन्त कुमार राभा आरो मावसुमा गौथुमनि राइज्योयारि मावफुं सोद्रोमा कन्दर्प तालुकदारआ। मख’नो गोनॉदि, फुडव खुंनाय थान्दै मेलयाव बशिष्ट राजबंसिखौ आफादगिरि आरो कर्मेश्वर दासखौ गाहाइ नेहाथारि महरै लाना सा 31 सोद्रोमाफोरनि तामुलपुर जिल्ला मावसुमा गौथुमनि मावफुं आफादखौ दानाय जायो।█

बिटिआरनि गाहाइ मावफुं सोद्रोमा प्रमद बरनि..

मावफुंनाय आरो मावफुंनो लानाय बिथांखिफोरनि सायाव गुवारै सावरायज्लायनाय जायो। मोनफ्रोमबो बिफानआ जागायनाय जायखि-जाया बिथांखिफोरखौ सरसनस्त्रा राइजो-रजाफोरा मुलाम्फा मोन्नो हानाय बायदिनो थि सपनि गेजेराव मावफुंनो थाखाय मावफुं सोद्रोमाफोरखौ खावलायो बिटिआरनि गाहाइ मावफुं सोद्रोमा प्रमद बर’आ। दिनेनि बे बिफानआरि फिन नायसं मेल जथुमनायनि बागै गाहाइ खुंगिरि प्रमद बर’आ फोरमायदोंदि, बिटिसिनि गुबुन गुबुन बिफानआ आथिखालाव सोलिगासिनो थानाय एबा मावफुंगासिनो थानाय बिथांखिफोरनि सायाव मिबथिनो थाखाय दिनें मोनसे गोनॉथार रिंभउ मेल जथुमनाय जादों। बे मेलआव गासै बिफाननि गेजेरखौ बिथांखिफोरि मावफुंनायनि सायाव बिफानारि मावफुं सोद्रोमाफोरा रोखायै फोरमायथिदों। बिटिआर सरकारआ बिटिआर हालामनि गासै बिथिडव जौगानाय आरो सुबुं अन्साइलु खामानि मावनायनि थाखाय गोखोडै नाजागासिनो दड होन्नानै फोरमायो।█

मोजां मोन्नायजों जुलि जानाय खौरांनि सायाव श्रुति हासानआ फिनजाथाय होदों

फावखुंग्रि श्रुति हासानआ थांनाय माखासे समनिक्राय गावनि पार्सनल लाइफखौ लानाने खौरांन थबाय थदों। सुलुंनि बादिल्ला, फावखुंग्रिआ गावनि मोजां मोन्नाय अन्जालुजों सिरिये जुलि जाबाय। बे खौरांन बै समाव सोराडाव फैदों, जेव्हा थांनाय सानआव बलिउड स्टार अरिया ससेल मिडियाआव मोनसे पस्टआव लिरदोंमोन, जेराव बियो गावनि मोजां मोन्नायखौ फिसाइ होन्नाने फोरमायदोंमोन। अरिया रेडिटआव आस्क मि एनिथिं सेसननि समाव श्रुति हासानखौ लानाने माखासे बिबुंथि होदोंमोन। बे सेसननि समावनो बियो



फोरमायदोंमोनदि, मोनसे हाबाफारिन समाव श्रुति हासानआ गावनि सायाव गात्रि आखु दिन्थिदोंमोन। बे बाश्चा सावरायनायावनो बियो श्रुति हासाननि मोजां मोन्नाय शान्तनु

हाजरिकाखौ गावनि फिसाइ होन्नाने सिनायथि होदों, जायजों फावखुंग्रिनि सिरिये जुलि जानायनि बाश्चाया गोसारनो हमदों। बेरफासैं बावैसो समाव बेनि सायाव श्रुति हासानआ

मोनसे पस्ट शेयार खालामनाने लियो, गाव जुलि जायाखे आरो गाव जेबो बाश्चा दोनखोमानो साना। बेनिखायनो जाय सुबुंफोरा गावखौ मिथिया बै सुबुंफोरा सिरिये थांनांगो होन्नाने बियो आर'ज गाबो। मख'नो गोनांदि, फावखुंग्रिनि मोजां मोन्नाय अन्जालु शान्तनु हाजरिकाआ सासे डुडल आर्टिस्ट, जाय मिउजिक इन्डस्ट्रीनि गोबां गिदिर फावगिरिफोर रपतार, डिभाइन, रित्विज बायदि फावगिरिफोरजों खामानि मावखांबाय। श्रुति आरो शान्तनुआ 2018 निफ्रायनो सिनायलायो आरो बै समनिक्रायनो बिसोरो गावजों गाव डेट खालामबोदों।

सावथुन डंकीआ टुइटरआव गोबां ट्रेन्ड खालामनो हदों

शाहरुख खाननि सावथुन डंकीआ 21 डिसेम्बरखालि सिनेमाहलफोराव रिलीज जादोंमोन। रिलीजनि उननिक्राय सावथुनआ गोबां मोजां फिनजाथायफोरखौ मोन्दों। सावथुनआ सुबुंफोरनि अन्नाय मोन्दों। थांनाय सानआव माखासे स्व'फोरा हाउसफुल जादों। ससेल मिडियाआवबो फेन्सफोरनि थुलुंगाखांनायखौ नुनो मोन्दों। शाहरुख खाननि थाखाय सुबुंफोरा गोबां जावलिया जादों। डंकीआ अपेनि डेआव भारतआव 29.2 कौटिरां आर्जिदोंमोन आरो दासिमआव सावथुनआ 6 सानआव 150 कौटिरां आर्जिबाय। बेरफासैं मुलुगानां रं आर्जिनयनि बाश्चा बुझेव्हा सावथुन डंकीआ मुलुगनाडे



200 कौटिरांनि बांसिन आर्जिनो हाबाय। बेनि गेजेरावनो आथिखालाव ससेल मिडिया आ व #ReaLifeDunki ट्रेन्ड खालामदों। मख'नो गोनांदि, राजकुमार हिरानिनि सावथुन डंकीआव डंकी रटनि गोबां बाडाइ बाश्चा सावरायजानाय आयदाखौ लाइमलाइटआव लाबोदों, जायखौ आथिखालाव सुबुंफोरजों लोगोसे कानेक्टबो

खालामनो हमदों। मानोना बावैसो समाव सुबुंलांखोमानायनि मंगलबारखालि सा 276 दावबायारिफोरजों मुम्बाइआव सौहेंदों। सा 303 दावबायारिफोरजों लोगोसे बे उरं जाहाजआ जुथाय आरब अमिराटनिफ्राय फ्रान्सआव सौहेंदोंमोन आरो बेयो निकारगुयाआव थांनो गोनांमोन। बे जाथाया नेटिजेन्सफोरखौ डंकीनि सोमोन्दै सावरायनायाव

गोनांथार खालामदों आरो ससेल मिडिया आ व #ReaLifeDunki ट्रेन्ड खालामदों। फ्रान्सआव लाखिनय उरं जाहाज एयाखेस ए340 आ सा 276 दावबायारिफोरजों मुम्बाइआव बाग्लायदों, जेराव बांसिनआ भारतीयमोन। बेयो बै डंकी रटनि सोमोन्दै फोरमायो, जायखौ सुबुंफोरा हारिमायारि सिमनाफोरखौ बारनो थाखाय गनायनाने लायो। बेबादिआव बे खौरांन सोराडाव फैनाय लोगो लोगोने बेयो नेटिजेन्सफोरनि गोसोखौ गावनि फासैं बोने हायो आरो बिसोरो बे जाथायखौ सावथुन डंकीजों सरजाबनो हमो। डंकीनि बाश्चा बुझेव्हा बे सावथुनआव शाहरुखजों लोगोसे भिक्की कौशल,

तापसि पन्नु आरो बमन इरानिआ गाहाइ फाव खालामदों। सावथुननि सल'आ जेना गोनां महैर गुबुन हादरआव थांनो नागिरगा सुबुंफोर आरो बिसोरनि थासारिफोरनि सायाव बेंखेनो।

बबि देअलआ सलमान खाननि जोनोम सानआव सानैजों लोगोसे सावगारिफोर शेयार खालामदों

बलिउडनि दाबांग सलमान खानआ 27 सेप्टेम्बरखालि गावनि 58 थि जोनोम सान फालिदों। बनि जोनोम सानखौ फेन्सफोरारो गोसो होसारनाने नेना थयो। जेराव 26 डिसेम्बरनि हरावनो सलमान खाननि गेलेक्सि एपार्टमेन्टनि बाइजोआव फेन्सफोर होंगो-दोंगो जायोव्हा गुबुन फासैं बनि सावथुन इन्डस्ट्रीनि लोगोफोराबो फावखुंग्रिनि जोनोम सानआव गोबां गाहाम हामलायथि जासिहरो। थांनाय हरआव सलमान खानआ अर्पिता खाननि न'आव गावनि जोनोम साननि फोबोंखौ फालिदों, जेराव बनि जर'खा लोगो आरो एनिमेल्नि फावखुंग्रि देअलआबो बाहागो लादों, जायनि मोनसे नुथायखौ बियो फेन्सफोरनो दिन्थिदों। बबि देअल आरो सलमानआ बेसे मोजां लोगो बेखौ जों



साफ्रोमबो मिथियागो। बबिखौ आरोबाव खनसे ट्रेकआव लाबोनायाव बलिउड भाइजाननि गिदिर आखाइ दड। बबि देअलआ बेनि थाखाय गोबां खाबुफोराव सलमान खाननो साबायखरबो जासिखांबाय। बावैसो समाव सलमान खाननि 58 थि जोनोम साननि पार्टनि बाहागो जानाय बबि देअलआ दाबांग खानजों जोनोम सान फालिनाय मोनने सावगारिफोरखौ पस्ट खालामदों। गिबि सावगारिआव

बिखौ गोबां अन्नायजों सलमान खाननि खर'आव किस खालामनाय नुनो मोन्दोंव्हा गुबुन सावगारिआव बिखौ आरो टाइगरनि फावखुंग्रिखौ केमेरायाव पज होनाय नुनो मोन्दों। बे सावगारिखौ शेयार खालामनाने बबि देअलआ केप्सनआव लिरदों, मामु आइ लाभ इड। मख'नो गोनांदि, जेव्हा बबि देअलआ गावनि बिदा सानि देअलजों लोगोसे कफि उद्थ करणआव फैदोंमोन, अब्ला बियो सलमान

खानखौ मामु गाबच्चियो होन्नाने फोरमायदोंमोन। सलमान खान आरो बबि देअलनि बे सावगारिफोराव फेन्सफोरा गोबां अन्नाय होदों। सासे इउजारआ कमेन्टआव लिरदों, सानैखौबो गोबां हेन्डसाम नुदों, बेपि बार्थडे सलमान खान। गुबुन सासे इउजारआ लिरदों, बबि देअलआ आथिखालाव मामुनि थाखाय जायखि-जाया खामानिखौबो मावनो हासिगो।

टुइंकल खान्नाआ गावनि इउनिभासिदिआव एडमिसन लानायनि सोमोन्दै फोरमायदों

अक्षय कुमारनि बिसि आरो फावखुंग्रि टुइंकल खान्नाआ थांनाय गोबाव समनिक्राय पर्दानि जानगाआव थाबोदों। एक्टिनिफ्राय बिदाइ लानाय टुइंकलआ आथिखालाव सासे राइटार जादों। बियो दासिमआव गावनि गां 4 बिजाबफोरखौ लन्व खालामदों। 2023 नि 29 नभेम्बरखालि फावखुंग्रिनि ब्रैथि बिजाब वेलकाम टु पेराडाइजखौ लन्व खालामदोंमोन। बेरफासैं आथिखालाव फावखुंग्रिआ गावनि मोनसे दोहों गोनां बाश्चाखौ शेयार खालामदों। बाडाइ सुबुंफोरा मिथिगौदि, थांनाय बोसोराव टुइंकल

खान्नाआ गावनि सोलोंथाय लानायखौ आबु खालामदों। फावखुंग्रिआ थांनाय बोसोराव लन्डन इउनिभासिदिआव फिक्सन राइटिं मास्टार प्रग्रामआव मुं थिसन्दोंमोन। आथिखालाव फावखुंग्रिआ गावनि बै समखौ गोसोखानाने थारैरो गाव मानो गोदाने सोलोंथाय लानायनि बे थांखिखौ लाखो बेनि सोमोन्दै फोरमायदों। फावखुंग्रिआ इउटुब चेनेलनो होनाय मोनसे इन्टारभिउआव फोरमायदोंदि, जेव्हा गावनि फिसाज्ला आरभआ उन्दैमोन, अब्ला गाव बिखौ स्कुल काउन्सेलारनि खाथियाव लाडोमोन। जेराव फावखुंग्रिआ गावनो गाव आंबो



गोदाने सोलोंथाय लागोन, आंबो इउनिभासिदिआव थांनांगी होन्नाने सानोमोन। नाथाय बै समाव काउन्सेलरआ गावखौ फिसाफोरनि सायाव नोजोर होनांगी होन्नाने बुजायोमोन। फावखुंग्रिआ फोरमायबावदों, गाव करनानि उनाव गोदाने सोलोंथाय लानो थांखि लादोंमोन आरो गावनि

फिसाज्ला आरभजों लोगोसे इउनिभासिदिनि फर्मखौ फिलआप खालामदोंमोन। लोगोसेनो बै समाव गावसोर गंसे इउनिभासिदिआवनो एडमिसन जाजानोबो गिखांदोंमोन। नाथाय बेबादि जायाखे। गाव गावनि गिबि मोजां मोन्नाय गल्डस्मीथ मिल इउनिभासिदिआव मोन्दों।

अनिल ग्रवारआ शाहरुख खानजों फाव खालामनायनि मोन्दांथिरवो फोरमादों

शाहरुख खाननि सावथुन 'डंकि'आ बक्स अफिसआव सरासनसा फालांगि




खालामदों। क्रिटिक्सनिफ्राय लानाने नायगिरिफोराबो सावथुनआव सरासनसा फिनजाथाइ होदों। सावथुनआव शाहरुखनि अनगायै तापसि पन्नु, भिक्की कौशल, बमन इरानी आरो सुनिल ग्रवारनि फंबाय फावखुंग्रि अनिल ग्रवारखौ नुनो मोन्दों। आथिखालाव मोनसे इन्टारभिउआव अनिल ग्रवारआ किं खान आरो भिक्की कौशलजों लोगोसे स्क्रन शेयार

खालामनायनि सायाव बाश्चा बुंदों। बावैसो समाव निउज 18 जों लोगोसे बाश्चा सावरायनाय समाव अनिल ग्रवारआ डंकिआव शर्टलिस्ट जानाय आरो शाहरुख खान, बिक्की कौशलजों लोगोसे फाव खालामनायखौ लानाने गावनि हमदांथिखौ शेयार खालामदों। अनिलआ शेयार खालामदोंदि, जेव्हा गेवनियाव गिबि खेब करिंट डायरेक्टर अफिसनिफ्राय बे फावनि थाखाय गावखौ

सायखनाय जाबाय होन्ना मोनथियो अब्ला गाव फोथायनो हायाखे मोन। बेनि सायाव फोथायनायाव गावनो एसे सम नांदोंमोन। बियो फोरमायबावदों, गाव गिबियाव बुग्गुनि फावनि थाखाय अडिशन होदोंमोन। उनाव गावखौ बल्लिन थाखायबो अडिशन होनो थाखाय बुंनाय जायो। उनाव माखासे समनि अडिशन आरो लुक टेस्टनि उनाव गाव बल्लिन महैर सोराडाव फैयो। गावखौ राजु सारआ गोसो होसारनाने गोबादोंमोन। शाहरुखजों फाव खालामनायखौ लानाने निल ग्रवारआ बुंदों, सुपारस्टारआ गावनि क-स्टारफोरजों ओरैबायदि मोजां आखु दिन्थियोदि गोबां खेब बेखौ फोथायथावै हमदाडो।

पेरासाइटनि फावखुंग्रिनि गोथै सहखौ गावनि गरि सिडावनो बोखांनो हदों



साउथ करियानि मुंदांखा फावखुंग्रि लि सुन क्युनआ बुधबारखालि जिउ गोमाबाय। सुलुंनि बादिल्ला, अस्कार बान्था देरहागिरि फावखुंग्रिनि गोथै सहखौ गावनि गरिआवनो बोखांनो

हादोंमोन। मख'नो गोनांदि, अस्कार देहासारनाय पेरासाइट सावथुनआव लि सुन क्युनआ गाहाइ फाव खालामदोंमोन। साउथ करियानि निउज एजेन्सिनि बादिल्ला, सेअं बुर डिस्ट्रिक्टनि सियलनि गंसे

पार्कआव जेना गोनां महैर सासे सुबुंखौ हुस गैथे थासारिआव मोन्नाय जादोंमोन, जायनि उनाव पुलिसआ नायबिजिनाने बै थैनाय सुबुखु फावखुंग्रि लि सुन क्युन होन्नाने मिथिनो मोनो। सुलुंनि बादिल्ला, लि सुन क्युननि हेंथायै निसा मुवा-बेसाद जानायनि केसआव पुलिसआ नायबिजिरदोंमोन। पुलिसआ 48 बोसोरनि फावखुंग्रिआ गावखौ सुइसाइड खालामदों होन्नाने सन्देह खालामो। के पप एक्स एकाउन्टआव रोखा खालामो। बियो टुइट खालामनाने लिरदों। सुलुंनि

बादिल्ला, फावखुंग्रि लि सुन क्युनखौ दिने फुंनि समाव जन-गुआव सियलनि गंसे पार्कआव गावनि गरिआव जिउ गैथे थासारिआव बोखांनो मोनो। लनि सायाव ड्राग्स बाहायनायनि केसखौ लानाने बनि सायाव नायबिजिनया सोलिदोंमोन। पुलिस सुलुंनि बादिल्ला, फुं समाव बनि बिसिआ फन हरनाने मिथिहोदोंमोनदि, बनि फिसाइआ सुइसाइड नट लिरनाने न'निफ्राय आंखरलांदों। बेनि उनाव पुलिसआ जेव्हा नायबिजिरो अब्ला मिथिनो

मोनोदि, गोथै सहआ करियान फावखुंग्रिनि। सुलुंनि बादिल्ला, पुलिसआ जेव्हा नायबिजिरो अब्ला बिसोरो फावखुंग्रिनि गरिनिफ्राय चारकलनि खामनाय थुखाखौ मोनो, जायजों फावखुंग्रिआ सुइसाइड बायदि थांखि लादों होन्नाने हमदांनो हायो। मख'नो गोनांदि, लि सुन क्युनआ गावनि सावथुन केरियारखौ 2000 सावथुन साइक'ट्रामाजों जगायदोंमोन। बेनि उनाव बिखौ मेक इट बिग, सेन्ट अफ लाभ, माय मादार, दा मामाइड बायदि माखासे सावथुनफोराव नुनो मोन्दों।

हुति बिग्रायारिफोरनि ड्रन आरो मिसाइलखौ आमेरिकाया सिलिंखार खालामबाय

वाशिंगटन, 27 डिसेम्बर: आमेरिकाया रेड शि (गोजा लैथो) याव हुति बिग्रायारिफोरनि दैथायहरनाय ड्रन आरो मिसाइलफोरखौ गावखलायदों। खौरां एजेन्सि एएफपिआ पेन्टागननि गथायनायजों फोरमायदोंदि, हुति बिग्रायारिफोर मंगलबारखालि आमेरिकानि सान्त्रि हान्जानि सायाव गाग्लोबदोंमोन। पेन्टागनआ मंगलबारखालि बुंदोंदि, आमेरिकानि सान्त्रिआ यमनआव थानाय हुति बिग्रायारिफोरनि गेजेरजों रेड शिआव 1 दर्जननिक्राय बांसिन ड्रन आरो माखासे



मिसाइलफोरखौ गावखलायदों। पेन्टागननि सेन्ट्रल कामान्डआ ससेल मिडिया पस्टआव बुंदोंदि, 10 घन्टानि समाव गं 12 ड्रन, गं 3 एन्टि शिप

बेलिस्टिक मिसाइलफोर आरो गनै हासा बाहागोआव गाग्लोबग्रा मिसाइलखौ गावहरदोंमोन, जायखौ सिलिंखार खालामनो हायो।

बियो बुंवावदों, रेड शि ओन्सोलाव जाहाजफोर जेबो खहा जायाखै आरो गवबो सुबुनि जोखोम जानायनि खौरांबो मोनाखै।

इज्राइलनि मिसाइलजों गाग्लोबनायाव इराननि सासे जेनेरेलनि जिउ ख 'हा

जेरुसालेम, 27 डिसेम्बर: इज्राइल आरो हामासनि गेजेराव दावहाया सोलिगासिनो दं। आधिखालाव गेजेर सान्जायाव गोसारलांगसिनो आरो दावराव-दावसिसोमजिहोगासिनो दं। बे समावनो इज्राइलआ गाजाजों लो गोसे सिरियायावबो जाथाइखौ गोखौंसिन खालामदों। इज्राइलआ मिसाइल गाग्लोबनायाव इराननि बिथोनगिरि सैयद रेजी मौसाभिखौ बुथारदोंमोन। जायनि उनाव इराननि हादरगिरि इब्राहिम रायसीआ इज्राइलखौ सांग्रां खालामदों। बेनि उनाव मंगलबारनि मोनाबिलियाव दिल्लीयाव इज्राइल राजथान्दै थाग्रा खुलिन बायजोआव बेरफूहोदोंमोन। इराननि बिथोनगिरि सैयद रेजी मौसाभि थैनायनि उनाव दिल्लीयाव इज्राइलनि राजथान्दै थाग्रा खुलिन बायजोआव बेरफूहोदोंमोन, जेराव इरानखौ फाव फान्दायनायनि दाय होनाय जादोंमोन। मख 'नो गोनांदि, बेनि सायाव इज्राइलनिक्राय



बेरफूनायाव इरानआ लोव्वा थानो हागौ। मानोना मौसाभिखौ बुथारखानायनि उनाव इरानआ हुमखि होदोंमोन आरो बुंदोंमोनदि, इज्राइलआ बे दायनि थाखाय बेसेनखौ होनांगोन। बेनि सिगाडवबो दिल्लीयाव इज्राइलनि राजथान्दै थाग्रा खुलिन साखाथियाव बमा बेरफूहोदोंमोन, जेराव इरानखौ फाव फान्दायनायनि दाय होनाय जादोंमोन। मख 'नो गोनांदि, बेनि सायाव इज्राइलनिक्राय

जेबो बिबुंथि होआखै। दिल्ली पुलिसआ बे बेरफूनायाव सोर लोव्वा दं बेनि सोमोन्दै नायबिजिरनाय जागायदों। जाथाय जानाय जायगायाव सहैनाय दिल्ली पुलिसनि स्पेसियल सेलआ गुबुन-गुबुन जाथायफोरनि बायदियै नायबिजिरगसिनो दं। इस्लामिक रिभलुसनारि गार्ड कर्पस (आइआरजिसि) नि ब्रिगेडियर जेनेरेल सैयद रेजीखौ बुथारनायनि उनाव इराननि

हादरगिरि इब्राहिम रासियाआ इज्राइलखौ सोंखारिदों। बिथाड बुंदोंदि, बेनि थाखाय इज्राइलआ गोबां बेसेन होनांगोन। इराननि हादरगिरिया मोनसे रादाव बिबुंसारनि गेजेरजों बुंदोंदि, बे खामानिया जेबो सन्देह गैयाजासे ओन्सोलखौ दख 'ल खालामनाय जायोनिस्ट खुंथायनि गोसो बायनाय, हेफाजाव गैयि आरो आखा-फाखा नडैनि मोनसे नेसों।

खोला आफ्रिकायाव गोखौं अखा हानायजों लामाफोरा सिलिंखार जादों



गोदान दिल्ली, 27 डिसेम्बर: खोला आफ्रिकायाव गोबां अखा हानायखौ नुनो मोन्दों। खोला आफ्रिकायाव गोबां अखा हानायनि जाहोनाव सा 6 सुबुंफोरा थैदों, जेराव सा 10 गुबुन सुबुंफोरा गोमानानै दड। खोला आफ्रिका नि बिबानगिरिफोरा फोरमायदोंदि, क्वाजुलु-नटाल राइज्योआव गोबां अखा हादों। बेनि जाहोनाव सा 6 सुबुंफोरा जिउ

गोमादों आरो सा 10 सुबुंफोरा गोमानानै दड। बिबानगिरिफोरनि बादिब्ला, गोबां अखा हानायनि जाहोनाव दै बानाबो सोमजिदों। सिन्हुआ खौरां एजेन्सिआ सरकारि खुंथाय आरो हारिमुवारि केसफोरनि राइज्योयारि बिफाननि मोनसे बिबुंथिखौ गथायनानै फोरमायदोंदि, दैनि बोहैनाया गोखै जादों, जायनि जाहोनाव क्वाजुलु-नटाल राइज्योनि

लेडियाव थानाय टउनआव न'फोराव दै हाबदों, जायजों माखासे न'फोराबो सिलिंखार जादों। बिफाननि बादिब्ला, दै बानानि बेंखन्थायाव फैनायजों माखासे सुबुंफोरा बोहैखारलां दों। रैखाथि अभियाननि समाव सासे सुबुंनि गोथै सहखौबो बोखानो मोन्दों। जेराव माखासे सुबुंफोरा गोमानानै दड। बेनि अनगायै एन-11 रडआव गं 3 गारिआबो बोहैखारलां दों। जेराव सासे सुबुंखौ जिउ गोमानाय थासारिआव बोखानो हादों आरो गुबुन सासेआ गोमानानै दड। बेराफार्स सा 9 दावबायारिफोरखौ लानानै थानाय केबआवो दै बानानि बेंखन्थायाव फैदों। जायनि गेजेराव सा 3 सुबुंफोरनि गोथै सहखौ मोन्दों। जेराव गुबुन सा 6 सुबुंफोरा गोमादों। बिफाननि

बादिब्ला, मोनसे गुबुन जाथायाव सासे सुबुंखौ गारिआव जिउ गोमानाय थासारिआव मोन्दों, जेराव गुबुनआ गोमानानै दड।

पिएम मदिआ सोलिफु बोसोरआव दर 11 हादरफोराव दावबायहैदों

गोदान दिल्ली, 27 डिसेम्बर: 2023 बोसोर आ जोबनो थांगसिनो आरो गोदान बोसोरा थाबैनो जागायसिगोन। गाहाइ मन्थि मदिनि गुबुन हादर दावबायनाया जेब्लोबो खौरांआव थायो आरो 2023 बोसोरयाव बिथाड दर 11 हादरफोराव दावबायदों। गाहाइ मन्थि मदिआ 2023 बोसोरआव जापान, पापुआ निउ गिनी आरो अस्ट्रेलियानिक्राय गावनि दावबायनायखौ जुरिजेन्दोंमोन। मख 'नो गोनांदि, बे बोसोरनि जोबनायाव गाहाइ मन्थि मदिआ



दुबाइआव थादोंमोन। 2023 बोसोर जोबनायनि सिगां गाहाइ मन्थि मदिआ जोबथा खेबनि थाखाय दुबाइआव दावबायहैदोंमोन। गाहाइ मन्थि मदिआ बुहुमनां क्लाइमेट एक्शन समिटआव बाहागो लानो थाखाय दुबाइ सौहैदोंमोन। बेयो बोथोरनि सायाव जुथाइ हादरनि हान्जाफोरनि जथुम्मानि समाव खुंजानाय मोनसे गोनांथार हाबाफारि, जायखौ क'प'28 मुडे मिथिनाय जायो। बे जथुम्मायाव दर 200 हादरफोरनि थान्दैफोरा बाहागो लादोंमोन। गोदान दिल्लीआव जी-20 जथुम्मानि माखासे सान सिगां मदिआ सेप्टेम्बरआव इन्डेनेसियानि हादरगिरि जक 'बिड'डनि हांखायनायाव 18थि सान्जा एसिया जथुम आरो 20थि

एसियान-भारत जथुम्मायाव बाहागो लादोंमोन। मदिआ सोलिफु बोसोरनि आगस्तआव खोला आफ्रिकायाव दावबायदोंमोन, जेराव बिथाड जहान्सबर्गआव ब्रिक्स जथुम्मायाव बाहागो लादोंमोन। बेनि उनाव गाहाइ मन्थि मदिआ ग्रीस सौहैदोंमोन। बेयो 40 बोसोरव सासे भारतयायारि गाहाइ मन्थिनि गिबि दावबायनायमोन। गावनि दावबायनाय समाव मदिआ सोमोन्दोखौ मोनसे गुवार सोलोआरि बाहागोआरिसिम जोगाहोनायाव गोसो होदों। गाहाइ मन्थि मदिआ जुलाइआव फ्रान्सआव बास्टिल डे रौनिया पेरेडआव गाहाय आलासि महरै फ्रान्स सौहैदोंमोन। मख 'नो गोनांदि, बे सन्मानखौ बोसोर 2017

मायथाइयाव सासे गुबुन हादरनि दैदेनिगिरिनो होनाय जादोंमोन, जेब्ला आमेरिकानि बारग' हादरगिरि डनाल्ड ट्रम्पआ फ्रान्स दावबायदोंमोन। गावनि दावबायनाय समाव, गाहाइ मन्थि मदिआ फ्रान्सनि हादरगिरि इमानुएल मेक्रनजों नेमखाथि बायदियै सावरायदोंमोन आरो मोनसे गावारि डिनारआवबो बाहागो लादोंमोन। फ्रान्सनि उनाव, गाहाइ मन्थि मदिआ 15 जुलाइआव इउएडनि आबु धाबी सौहैदोंमोन, जेराव बिथाड हादरगिरि शेख महम्मद बिन जायद अल नाहयानजों सावरायदोंमोन, बुहुमनां हेफाजाबनि आयदाफोरखौ बिबुंसार होनाय, गुबैये इउएडनि क'प' 28 प्रेसिडेन्सि आरो भारतनि जी-20 हादरगिरिनि

बिथिखव आमेरिकानि हादरगिरि ज' बाइडेन आरो बिथानि बिसि जिल बाइडेननि हांखायनायाव गाहाइ मन्थि मदिआ निउयर्क सौहैदोंमोन, जेराव बिथाड 21 जुनआव इउएननि गाहाय मावख'आव हादर गेजेरारि यगा सान फालिनायखौ दैदेन्दोंमोन। 22 जुनखालि गाहाइ मन्थि मदिआ वाशिंगटन सौहैदोंमोन, जेराव बिथांखौ नेमखाथि बायदियै हवाइट हाउसआव बरायनाय जादोंमोन। बे समाव, बाइडेनजों मोनसे गोजौ थाखोनि सावरायनाय जादोंमोन आरो स्टेट डिनारआव पिएम मदिखौ मान होनाय जादों। 22 जुनखालि गाहाइ मन्थि मदिआ आमेरिकानि कंग्रेसनि मोनसे जथाय जथुमखौ बिबुंथि होदोंमोन। आमेरिकायाव गावनि दावबायनाय समाव गाहाइ मन्थि मदिआ भारतयायारि थागिबिफोरजों लो गो हम्दोंमोन आरो लो गोसे गोबां कम्पनीफोरनि सिइअ'फोरजों सावरायदों, जायनि उनाव गाहाइ मन्थि मदिआ इजिप्टनि हादरगिरि आब्डेल-फतह अल-सिसीनि हांखायनायाव इजिप्टनि रायजोआरि दावबायनायाव काहिरा सौहैदों। सीसीजों सावरायनायनि अनगायैबो मदिआ इजिप्टनि गागि मानगोनां सुबुंफोर आरो भारतयायारि सुबुं समाजजों सावरायदोंमोन। गाहाइ मन्थि मदिआ सोलिफु बोसोरव जी-7 जथुम्माजों गावनि गुबुन हादर दावबायनायखौ जागायदोंमोन आरो जापाननि हिरशिमानि जथुम्मायाव बाहागो लादोंमोन। बेनि उनाव गाहाइ मन्थि मदिआ पापुआ निउ गिनीयाव दावबायहैदों। बे इन्ड'-पेसिफिक हादराव सासे भारतयायारि गाहाइ मन्थिनि बेयो गिबि दावबायनायमोन। बिनि उनाव अस्ट्रेलियानि गाहाइ मन्थि एन्थनी अल्बानीजनि हांखायनायाव गाहाइ मन्थि मदिआ सिडनीयाव थादोंमोन, जेराव बिथाड अस्ट्रेलियानि गाहाइ मन्थिजों मोनसे हाबाफारियाव ओनसोलारि भारतयायारि सुबुं समाजजोंबो सावरायदोंमोन।

इज्राइलनि रौनियाफोरा सुबुंफोरनि गोसोआव गिनाय सोमजिस्वां होदों

जेरुसालेम, 27 डिसेम्बर: इज्राइलनि रौनियाफोरा सा आरो खोला गाजायाव गिख'थाव ख'हा खालामनायनि उनाव दावहाखौ मोनसे गोदान महर बेखेवदों आरो सुबुंफोरनि गेजेराव गिनाय सोमजिहोदों। इज्राइल सुबुंफोरखौ दावहानि गोदान मोखौनि ओन्सोलफोराव बमा बेरनायनि सिगां थाबैनो लादों खालामनो थिन्दों। जुदि सुबुंफोरा थि समाव ओन्सोलनिक्राय बायजोआव ओंखार अब्ला इज्राइलनि रौनियाफोरा गावसोरनि फारसैथि गाग्लोबनो जागायगोन। बेनिखायनो, नोगोरारिफोरनि खहानिक्राय बारग'नो थाखाय बिसोरखौ थाबैनो रैखाथि गोनां जायगायाव थांनो थिन्दों। इज्राइलनि रैखाथि गोहोआ



मंगलबारव गेजेर गाजायाव नोगोरारि रिफुजि बादाफोराव फिलिस्टइननि ओनसोलफोराव बमा बेरनाय आरो सुबुंफोरखौ लानो बिथोन होनायनि उनाव गावसोरनि गाग्लोबनायखौ फुवारदों। गाजानि गाहाइ रौनियाफोरा बैफोर ओन्सोलफोरनि सिबिथाइफोराव आबुडे हेंथा फोसावदों। मोनसे जाथावना गोदान दावहा ओन्सोल बेखेवनाया नोजोर

होयोदि, सिगांनि लामाया खैफोदगोनां आरो गोलाव, मानोना इज्राइला खोला इज्राइलाव 7 अक्टबरखालि गाग्लोबनायनि उनाव हामासखौ फोजोबनो समायखिरा लादों। आमेरिकाया बुंदोंदि, इज्राइलनि सामरिक आयदानि मन्थि रन उर्मरआ हादरसा नेहाथारि एन्टी बिलिकेन आरो हायुडरि रैखाथि बोसोनगिरि जेक सुलिवनजों लो गो हम्मगसिनोमोन। दावहा

दोन्थ'नायनि थाखाय गेजेर हायुआरि नारसिनाय आरो नोगोरारिफोरनि जिउ ख'हा जानायनि थाखाय आमेरिकानि खावलायावबो इज्राइलनि गाहाइ मन्थि बेन्जामिन नेतन्याहुआ सांग्रांथि होदोंमोनदि, दावहाया जोबनायनि खाथियाव नखमोन। नेतन्याहुआ बुंदोंदि, हामासनि उतखारिफोरनो जौनि बुनाया बेनोदि, जों नोथासिम सौहैगोन आरो नोथांखौ फोजोबगोन। इज्राइलनि गाग्लोबनाया बावैसोनि जारिमिनाव बयनिखुइबो फोजोबसांग्रा रौनिया अपारैसनफोरनि गेजेराव मोनसे। गाजायाव सावसि मन्थि बिफाना फोरमायदोंदि, दासिम दावहायाव सा 20,900 नि बांसिन सुबुंफोरा थैबाय।

भारतआव सानसेयाव करनानि 529 गोदान केस मोन्दों

गोदान दिल्ली, 27 डिसेम्बर: भारतआव फिन खेबसेबाव करनाया गाजि थासारि लाबोदों। सानफ्रोमबो करना केसफोरा लासै-लासै बांलांगसिनो दं। बेजों लो गोसे बुधबारखालि सावसि बिफानआ बुंदोंदि, भारतआव सानसेनि गेजेराव 529 गोदान करना केस मोन्या जादों, बेराफारसैथि हादराव एक्टिभ करना केसनि अनजिमाया 4,093 सौफैबाय। फुनि 8 रिंगायाव आपडेट खालामनाय बिफाननि बायदिल्ला, 24 घन्टानि गेजेराव सा 3 सुबुंनि थैनायनि खौरां

मोन्दों। थैनायफोरा कर्नाटकनि आरो सासेआ गुजरातनिमोन। 5 डिसेम्बरसिम सानफ्रोमबोनि बेरामनि अनजिमाया 2 अनजिमासिम गाहायाव फैदोंमोन नाथाय मोनसे गोदान रोखोम नुजाथिनाया गुसु बोथोर थासारिनि उनाव सन्देरनाया फिन बांफिनबाय। महामारिनि सानफ्रोमबोनि अनजिमाया लाख-लाख सुबुंफोरमोन, जाय 2020 मायथाइनि जागायजेनायाव जादोंमोन आरो बै समनिक्राय 4 बोसोरव गासै हादराव 45 मिलियननिबो




बांसिन सुबुंफोरा सन्देरजादों आरो 5.3 लाखनिबो बांसिन सुबुंफोरनि जिउ ख'हा खालामदों। मन्थि बिफाननि वेबसाइटनि बायदिल्ला, बे बेरामनिक्राय बारग'नाय सुबुंफोरनि अनजिमाया 4.4

कौटिनि बांसिन, जेराव रिक्भारिनि हारआ 98.81 जौखोन्दो। बेरामजों थैनायनि हारआ 1.19 जौखोन्दो। रिपटनि बायदिल्ला, हादराव दासिम 220.67 कौटि कभिड भेक्सिन होनाय जाबाय।

अस्ट्रेलियाआव गोस्रो बाहुरंवाजों सा 6 सुबुंफोरनि जिउ ख'हा जादों

सिडनी, 27 डिसेम्बर: अस्ट्रेलियानि सान्जायायारि रायजोफोराव मोनसे गिख'थाव बारहुंखाया ख'हा खालामदों। बारहुंखाया सा 6 सुबुंफोरनि जिउ ख'हा खालामदों, जेराव गोबां सुबुंफोरा दासिमबो गोमानानै दं। अस्ट्रेलियानि पुलिस बिबानगिरिआ बुंदोंदि, सान्जायायारि राइज्योफोराव रोजा अखा हानायनि जाहोनाव सा 6 सुबुंफोर थैदों आरो सा 3 सुबुंफोर गोमानानै दड। पुलिसनि बायदिल्ला, बारहुंखानि जाहोनाव क्विन्सलेन्डआव रोजा रोजा न'फोरा मोब्लिव गोहो खोमानांदों। भिक्ट'रिया आरो क्विन्सलेन्ड पुलिसा सासे 9 बोसोरनि हिन्जावसाजों लो गोसे सा 6 सुबुंफोरनि थैनायखौ रोखा खालामदों। पुलिसा बुंदोंदि,



ब्रिस्बेननि ग्रीन आइलेन्डआव गंसे नाव गोदोनायनि उनाव सानै सुबुंफोर गोमानानै दं। बे समावनो जिम्पीनि मेयर ग्लेन हार्टभिगआ बुंदोंदि, क्रिसमास सप्ताहनि समाव बे बारहुंखाया गोबां न'फोरखौ साग्लोबदों। थानाय 25 आरो 26 डिसेम्बरव सान्जायायारि राइज्योफोराव मोनसे गिख'थाव बारहुंखा जादोंमोन। बे समाव बारजों लो गोसे अखा आरो सारअथाइ फैदोंमोन। बे

गिख'थाव बारहुंखानि जाहोनाव गोबां दैमाफोरा बाना जादों आरो गोखौं बारनि जाहोनाव न'-बांफोरा गोबां ख'हा जादों। बोथोर बिफाना सान्जाआरि राइज्योफोराव दैबानानि सांग्रांथि रादाव फोसावदों। क्विन्सलेन्डनि राइज्योआरि कम्पनी एनर्जैक्सआ बुधबारखालि बुंदोंदि, बारहुंखानि उनाव खमैबो 86,000 न'खरफोराव मोब्लिव मोनाखैमोन।

सिमरनजितजों लोगोसे जास्मीन आरो सुइटा नेशनल बक्सिनि फाइनालाव

गोदान दिल्ली, 27 डिसेम्बर: टिक्य अलिम्पिकआव बाहागो लानाय पान्जाबनि सिमरनजित कौरआ नेशनल बक्सिनि 60 कि:ग्रा: लिस्थायारि केटेगरिनि फाइनालाव सौहैबाय। बिथाड हारियानानि मनिषा मनखौ गोखौडै बादायनाय सेमिफाइनल मेचआव 4-3 स्करआव फेजेन्दों। बिसोर साने बक्सारआ वर्ल्ड सेम्पियनसिपआव मेडेल देरहाखानाय। सिमरनजितआ बे खेबआव कमनवेल्थ गेम्सनि ब्रन्ज मेडेलिस्ट 22 बोसोर बैसोनि भारतीय आर्मिनि बक्सार जेस्मिन लम्बरियानि सेलेन्जआव ओंखारगोन। बेनि सिगां जेस्मिनआ हिमाचल प्रदेशनि मेनका देबिखौ 5-0 स्करआव



फेजेन्दों मोन। आसामनि अंकुसिता बर' आरो आर्मिनि अरुनधति चौधुरिआ 66 कि:ग्रा: लिस्थायारि केटेगरिनि फाइनालाव सेलेन्ज लाखिगोन। अंकुसिताआ हिमाचलनि दिपिकाखौ आरो अरुनधतिआ

नागालेण्डनि सन्जुखौ समानै 5-0 स्करआव फेजेन्दों। बिथामोननि अनगायै 48 कि:ग्रा: लिस्थायारि केटेगरिआव मिनाक्षिआ मन्जु रनिखौ फेजेन्जो हादों। बिसोरनि अनगायै रेलवेनि सनिया लाथेरआ पान्जाबनि

मन्दिप कौरखौ 4-1 स्करआव फेजेन्जो 58 कि:ग्रा: लिस्थायारि केटेगरिनि फाइनालाव सौहैबाय। सुइटा बुगआ 81 कि:ग्रा: आरो पुजा रनिआ 75 कि:ग्रा: लिस्थायारि केटेगरिनि फाइनालाव सौहैबाय।

सुर्य कुमार यादवआ आइसिसि रेंकिंआव गिबि नम्बरआव फेदों

गोदान दिल्ली, 27 डिसेम्बर: आइसिसिनिफ्राय फोसावनाय गोदान रेंकिंआव पाकिस्ताननि उइकेट किपार बेटसमेन महम्मद रिजवानआ गाहायाव दावख्लायनानै फेदों। बिथाड गोलाव समनि उनाव नैथि नम्बरआव जायगा आवग्रिनानै दडमोन। नाथाय बे खेबआव रिजवानआ थामथि नम्बरआव दावख्लायनानै फेदों। गुबुन फासें इलेण्डनि बेटसमेन फिल साल्टआ नैथि नम्बरआव आवगायदों। बिथाड लासैयैने भारतनि स्टर बेटसमेन सुर्य कुमार यादवखौबो गाख्लायनायनि फासें आगान सुरगासिनो दड। आइसिसिनि गोदान टी-20 रेंकिंआव आधिखालावबो सुर्य कुमार यादवआनो जायगा



आवग्रिनानै दड। बिथानि मुडव 887 रेटिं दड। बे फारिआव नैथि नम्बरआव सौहैनाय फिल साल्टनि मुडव 802 रेटिं दड। फिलआ थानाय माखासे सान सिगांसो वेस्ट इन्डिजनि हँथायै टी-20 मेचआव लान्थ्रियै बेक

टुबेक सेन्सुरि लादोंमोन। जायनि मददजोंनो बिथाड आइसिसि रेंकिंआव मुलाम्फा मोन्दों। रिजवानआ 787 रेटिंजों थामथि नम्बरआव दावख्लायदों। बे फारिआव एडेन मेक्रनआ 755 रेटिंजों ब्रैथि आरो पाकिस्ताननि

बारा' केपतेन बाबर आजमआ 734 रेटिंजों बाथि नम्बरआव जायगा मोन्दों। टप 5 बेटसमेनफोरनि उनाव खोला आफ्रिकानि शइली रुस'आ 687 रेटिंजों 6 थि नम्बरआव जायगा आवग्रिदों।

ज्यतिनि दैदेन्जायाव भारतआ हकी अलिम्पिक क्वालिफायर्सआव गोखौडै दिन्थिफुंनो नाजागोन

गोदान दिल्ली, 27 डिसेम्बर: लाइमोन फरबाई ज्यति शेत्रिनि थाखाय थानाय माखासे सानफोरनि सिगां स्पेनसिम दावबायनाया मोनसे जर'खा टुर जानानै फेदों। बे समाव बिथाड टीमनि जानानै मोजाडै दिन्थिफुंनयनि उनाव बे खेबआव रान्सिआव जानो गोनां एफएआईएस अलिम्पिक क्वालिफायरनि थाखाय भारतीय आइजो टीमखौ जायगा आवग्रिहोनो थंखि लादों। 19 बोसोरनि ज्यतिआ भेलेन्सियाआव गेलेनाय दर 5 हादरफोरनि टुनामिन्टआव भारतीय टीमआव दडमोन। बेनि सिगां बिथाड जुनियर टीमआवबो गोबां मेच गेलेबोबाय। सोलिफु बोसोरवनो जालानाय अमेन जुनियर एसिया कापआव भारतनि



सनानि मेडेल देरहानायावबो बिथाड गोबां बिहोमा होदोंमोन। हकी इन्डियानि फोसावलाइयाव ज्यतिआ फोसायनाय बादिब्ला, भेलेन्सिया आ फोसायनायनफ्राय सासे गेलेगिरि महरै गावनि कन्फिडेन्सआ बादों, जाउनाव फेगौ बोसोरवा जानो गोनां रान्सिनि अलिम्पिक क्वालिफायर्स मेचआव गावनि

टीमआव बाहागो जानायनि खाबु मोन्नायखौ फोरमायो। बिथाड सासे गेलेगिरि महरै सिगांफासें आवगायनायनि थाखाय थानाय समनि दिन्थिफुंनयनि गोहोम एवा मोन्दांथिआबो जर'खा बिफाव लाबोयो होन्नानै फोरमायदों आरो बेनि मददजोंनो खुंजानो गोनां टुनामिन्टआव मोजाडै दिन्थिफुंनो नाजागोनखौ फोरमायो।

राफेल नाडाल आरो असाकाआ टेनिस फोथाराव औरवारफिन्जो थियारि जाफिन्दों

वाशिंग्टन, 27 डिसेम्बर: मुलुगनि बारा' नम्बर 1 टेनिस गेलेगिरि राफेल नाडाल आरो नाअमी असाकाआ रबिबानिफ्राय जागायनो गोनां ब्रि सवेन इन्टरनेसनल टुनामिन्टनिफ्राय टेनिस इन्डिजनि आओ आमेरिकान अनेनि बारा' सेम्पियन असाकाआ बिमा जानायनि उनाव गिबियै टेनिस कर्टआव बाहागो लागोन। जायनि थाखाय बिथाड बुधवारखालि प्रेक्टिस सिजनआव बाहागो लानो थियारिबो जादोंमोन। असाकाआ थानाय बोसोरवा अस्ट्रेलियान अनेनिफ्राय गावनि मुंखौ बोखानानै लाफिन्नायनि उनाव गावनि बिमा जासिमोनखौ फोसावदोंमोन। नाडालआबो जोखोमनिफ्राय मोजाडाव



फेफिन्नायनि उनाव कर्टआव ओंखारगोन। बिथाड बुधवारखालि उइम्बलडन फेफिन्नायनि उनाव कर्टआव आरो 2020 आमेरिकान अनेनि सेम्पियन डमिनिख थिएमनि

सेलेन्जखौ बारनो नाजागोन। मुलुगनि 8 थि नम्बरनि अलगाव रुनीआ बे टुनामिन्टआव बाहागो

लानो गोनां बांसिन रेंकिंनि गेलेगिरि जागोन। आमेरिकानि बेन सेल्टन आरो खेबथाम ग्रेन्डस्लेम सिंगेल्सनि सेम्पियन एन्डि मुरेआबो टुनामिन्टआव ओंखारगोन। आइजो केटेगरिनि सिंगेल्सआव असाकानि अनगायै सोलिफु अस्ट्रेलियान अनेनि सेम्पियन आर्यना सभालेन्का, एलिना रिभाकिना, एलेना अस्टाफेन्क, भिक्टोरिया अजार्का, सफिया केनिन आरो सलन स्टीफेन्सआ मेचआव ओंखारगोन।

पेरिसनि थाखाय सिन्धुआ गुबुन हादरयारि कचनि मदद मोन्दों



गोदान दिल्ली, 27 डिसेम्बर: खेबनै अलिम्पिक मेडेल देरहानाय आरो बारा' वर्ल्ड सेम्पियन पिथि सिन्धुआ गोदान बोसोरनिफ्राय गोदान इन्टरनेसनल सिजननि लेभेलआव गावनि फर्मखौ लाबोफिन्नो ओंखारगोन। पेरिस अलिम्पिकनि थाखाय बिथाड गावनि थाखाय गोदान कच नागिरनानै मोनबाय। सिन्धुआ फेगौ गिबि जानुवारनिफ्राय भारतीय टीमनि बारा' इन्डोनेसियान कच आरो सोलिफु समाव थाइलेण्डनि कच आगुस डभी सान्तसनि नोजोरथि

लाखिनायाव कचिं लादों। नाथाय मुंदांखा गेलेगिरि प्रकाश पाडुकुणआ बे समाव सिन्धुजों मेन्टन महरै सोमोन्दोआव थागोन। अब्लाबो गुबुन हादरयारि कचआ सिन्धुजों हाबा मावगोन। सिन्धुआ आगिस हान्थुआव जोखोम मोन्नायनिफ्राय मोजाडाव फेफिन्नायनि उनाव कर्टआव ओंखारगोन। बिथाड बेनि थाखाय हाइड्राबादआव प्रेक्टिस खालामनायखौ जागायबाय। करियानि कच पार्क ताइ सुंजों गावन्सालायनायनि उनाव सिन्धुआ गुबुन हादरयारि कच

महरै इन्डोनेसियानि महम्मद हाफिज हासिमखौ गावनि कच खालामदोंमोन। नाथाय बे समाव सिन्धुनि दिन्थिफुंनया इन्टरनेसनल लेभेलआव गाहाइ फासें दावख्लायनानै फेदोंमोन। थानाय नबेम्बर दानआव हान्थुआव मिडिएल कलेट्रल लिगामेन्ट (एमसिएल) ग्रेड-2 टायारनि फाहामथाय लाखानायनि उनाव डाक्टरफोरि बिखौ माखासे सुबुरुन होदों। बे समाव सिन्धुआ गोदान गुबुनयारि हादरनि कच नागिरगासिनो दडमोन। कच जाखांबाय।

सिन्धुखौ ट्रेनि होखांबायमोन। बिथाड गपिचान्द एकाडेमिआव भारतीय टीमनि फोरगिरिमोन। नाथाय लकडाउननि समाव बिथाड एकाडेमिआव हासिडै थानानायनि माखासे उनाव गावनि मासिखौ एगारदोंमोन। खौरनि बादिब्ला, सान्तसआ सिन्धुखौल' कचिं होनो थियारिआव दड। बे समाव बिथानि सेलारिआ दान मोनसेआव 8.25 लाख रां जादों। सिन्धुनो बिथान्खौ साइनिफ्राय होनाय जागोन। सिन्धुनि थाखाय सान्तसआ थाइलेण्डनि टीमजों गावनि रादायखौ सिफायनानै फेदों। खौरनि बादिब्ला, बे समाव सिन्धुआ प्रकाश पाडुकुणजों बेंगालुरुनि अनगायै हाइद्राबाद मोननेआवबो थियारि जागोन। सिन्धुआ गोलाव समनि उनाव कर्टआव ओंखारफिनगोन। फेगौ दाननिफ्राय सिन्धुआ गावनि प्रेक्टिसखौ गोखौसिन खालामनो नाजागोन। मख'नो गोनांदि, सान्तसआ बारा' मुलुगनि नम्बर 1 केरियानि शाटलार सन वान ह, बारा' वर्ल्ड सेम्पियन इन्डोनेसियानि गेलेगिरि सनी डभी कु'क'निबो कच जाखांबाय।

आसाम सरकार

माहुरियारि देहा मावथंथि, आसाम

नोंथानि गथ 'नि इयुनखौ गोजों खालाम, पालन 1000 आ साफ्रोमबो गथ 'फोरनि मोन्थाय

80 जौखोवन्दो गथ'फोरनि मेलेमारि जौगानाया जिउनि गिबि 1000 सानफोरव जायो।

बे समाव पालन 1000 खाबिखौ आजावनायजों नोंथानि गथ'नि मोनसे गोजोन इयुन आरो सासे समायना गथ'सा जानाया रोखा।

नोंथानि गथ 'नि गोसो जौगानायनि थाखाय मोन 6 गोरले खाथिफोर

- खाथि नं. 1**

गोबाडे अन्नाय, मोजां मोन्नाय आरो जोथोन लानाय, मेलेमारि जौगानाया वेफोरखौ बाहागो खालामनायनि गेजेरजों मोन्नो हायो।
- खाथि नं. 2**

आहार दौनायनि थाखाय नॉनि समखौ हो, अन्यायनि बेवो मोनसे सम
- खाथि नं. 3**

नोंथानि गथ 'खौ थाबायनो, खारनो, गेलेनो आरो मोसानो हो, बेजों देहा आरो सान्नाय-हनाया बांसिनो
- खाथि नं. 4**

सान्नाय, मेथाइ खन्नाय, सोरजिनाय आरो फारगथि खालामनाया गथ 'नि गियान आरो बुजिमोन्नायखौ सिरि मोनहोयो।
- खाथि नं. 5**

खोलोव-खोलोवे मोनसे सल' फराय, बेयो नोंथानि गथ 'नि सानखाथि आरो रावखौ गोखौ खालामो
- खाथि नं. 6**

नोंथाडा जिगा गैयै-उदाडै थाना था, नोंथानि गथ 'खौ सोलो गोनां आरो रंजा-खुसिजों आबु खालाम।

बेखिनि समाव

हवासे अन्नाय हो
 जयै गेले
 राइज्जाय
 सल 'फोर सिन्धु
 मेथाइफोर रंजाय
 जिगि-उदाडै थ

पालन 1000

मोनसे गोजोथार इयुननि थाखाय गोजोखौ जागाय

बांसिनै मिबथिनो थाखाय, आशाजों फोनांजाव खालाम एबा एप डाउनलड खालाम